


J b
3555.a





00 Rom

c 15.

72 1945

3




Euangelium

Von den zehen aufz=
setzigen vordeutsch
vnd aufgelegt
Marti. Luth.

Wittenberg.

*In reborde DEI Sion una salus. N. S. d. 2.
xvii. Kalendas Mayas, ante meridie m.
Anno d. d. 1522. M. les. b. bla. 1522*



Ihesus.

Dem Ehn vesten vnd Bestrengen

Der Haugold von Eynsideln / Der Hansen

von Doltzck / vnd Bernhard von Hirsz /

feldt / meynem gunstigen Hern vnd

freunden / Wunscht Martin

Luther die Gnad vnd

den frid Gottis .



Dunstige liebe Hern vnd
freunde / Ich armer bruder hab aber
eyn new feur antzundt / O eyn gross
loch ynn der Papissten taschen gebis-
sen / Das ich die beicht hab angryffen /
wo wil ich nu bleyben? vnd wo wollen
sie nu schwefel / pech / feur / vnd holtz gnug finden /
den gifftigen Ketzler zupuluern? Nu mus man gewiss-
lich die Kirchen fenster ausbrechen / da ettlich heylig
veter vnd geystlich herren predigen / das sie lufft haben
mugen das Euangelium aus zuruffen / das ist / vbir-
den Luthern zulestern / mord schreyen / vnd spruen.
Was solten sie sonst dem armen volck predigen?
Eyn iglicher mus predigen das er kan . Aber seynen
grund vnd vrsach / da er sich auff verlessit vnd sie ans-
greysst / werden sie aus sonderlicher gnaden lassen
auff's aller freuntlichst vnberurt bleyben / vnd darff
hie keyner furbit / denn ybreygen gewissen sie reichlich
bezeugt / wie sie so gar nichts wissen / vnd so stock vn-
gelert sind / das sie billich eytel Cardinel vnd Bissch-
off weren / vnd villeicht darumb so grob vngeleret
bleyben / das sie hoffen / der Bapst solle solch breyt
vnd spitz hut / auch vnter sie werffen . Nur tod / tod /
A ij tod /

todt/schreyen sie/mit dem ketzer/wil er doch alle ding
vmbkerē/vñ den gantzen geystlichē stand vmbstossen/
da die Christenheit auffstehet. Ich hoff/byn ichs wirs
dig/es sol yhn kommen/das sie mich tödten/vnd vbir
mir yhrer vetter maßz fullen/aber es ist noch nichtzeyt/
meyn stund ist noch nicht kōmen/ich muß zuuor das
schlangen getzicht basz ertzürnen/vñ den tod redlich
vmb sie vordienen/auff das sie vsach haben eynē gros
ssen Gottis dienst an mir zuuolbringē. Wen nu meyn
ne vngnedige herrn wolten hören/so wolt ich hierauff
nichts antwortten/den was sie selv wol wissen. Zum
ersten/das offinbar ist/wie ich keyn gelt drumb nehm
solchs zu leren/wie sie nehmen. Johannes Eck ist vbir
mir reich wordē/vñ etliche mehr. So hab ich yhe kein
gunst dauon/denn die selbige nympt der buchschreys
ber zu Leyptzck/der auch wol sampt Ecken eyns Car
dinals hut würdig were. So hab ich alle schand vnd
far meyns lebens dauon/byn daz selbs auch geyst
lich stands/solt billich meyn selv schonen. Aber nu
zwingt mich allein mein gewissen/yderman zuwar
nē so viel ich mag/wer mir folgt/darff mir nit dācken
wer mich verfolget/darff mir nit antwortten/ich wil
mein gewissen fur got gefreyet haben/vnd vnschuldig
sein/an dem blut vnd seelen/die durch den Papst vnd
Papisten vorfurt werden. Er ist droben vñ wirt kom
men dem ydermā antwortten muß. Darumb sag ich
noch/ruffe vnd vormane/bitt vnd flehe/wer sein seele
wil behalten/der behutte sich fur Papst/Cardinal/
Bischoff/Pfaffen/Munch/Hohē schulen/mit ihrē
menschen leren/vnd halt sie gewislich fur wolff vnd
teuffels Aposteln/wo sie nicht das Euāgeliū lautter
vñ rein predigē. Liebes volk es stehet nit so wol in der
Christenheit als sie furgeben. Ich thu das meine/cyn
yglicher

yglicher sehe fur sich. Die Papisten aber bit ich/wol-
ten an sehen/das ich yhn kein vnrecht thue/sie müssen
yhe bekennē/das yhr ding nicht in der schrift gegrund
sey/vnd yhr wesen zur Apostel vnd Marterer zeyt/da
die kirch am bestē stund/nicht gewesen/sondern new
von menschen erfunden ist/So ist mein ding yhe nit
widder die schrift/wie sie selber sagē müssen/sondern
eyttel schrift. Wollen si nu nicht mit vns die blossē
schrift/wolan so behalten sie yhr ding/vñ lassen doch
vns bey der schrift bleybē/wollen wir sie doch nit mit
gewalt aus yhrem ding heben/vñ in die schrift setzen/
wer die nit wil/der bleyb bey dem seinem/wir wollen
Christū vñ nicht den Papst, so behaltē sie den Papst
vñ nicht Christum/sintemal Christus lere vnd Papst
lere nicht wollen noch mūgē mit einander regierē/den
Christus wil allein meister sein/wie er sagt Mat.23.

Vnd das ich auff die beichte komme/Hab ich die
selbige auch als ein menschen geticht angriffen/nicht
das ich die beycht furwirff/die mir fast hertzlich wol
gefellet/sondern das nöttigen vnd zwingen furwirff
ich. Den glawben vnd die tauff lob ich/aber niemāt
sol dazzu getzwungen werden/sondern nur dazzu vor-
manet vnd frey gelassen werden/also auch die beycht
sol frey/vnd nur gelobt sein. Aber dawidder haben sie
nichts zu antwortē/denn ein solch arm geschrey. Sie
schuldigen vñnd schelten vns/als die allein darumb
die beicht schewen vñnd vordammen/das wir nicht
gerne beichten/vñnd nicht gerne dauon hören sagen.
Darauff antwortten wir also/wyr bekennen vnser
schuld/wyr sind arme sunder die nicht gerne beych-
ten/vnd ist auch nicht wunder. Den on gnad Gottis
ists nicht möglich/das die natur solt gerne beichten/
vñnd also ists war/das wyr der beycht feynd seynn/
A iij auch

*Wann sie für
wirff die beycht
nicht*

*Als die vñnd
wirff die beycht
nicht*

auch aus geprechlickeyt der natur / nit alleyn als reds
licher vsach Gottlichs rechts / das ist auch keyn son
sonderlich grosse schande / die weyl es ein gemeyn ges
prech ist aller welt. Das ist aber gros wunder / wie es
zugeht / das sie selber / die beycht tyrannen / vn̄ grossen
heyligen / die nicht sind wie ander leut / auch nicht wie
wir offentliche sundere / dennoch so gar vngerne beich
ten / vnd ia so tieff ynn der gemeynen geprechlickeyt /
oder wol tieffer stecken / denn wyr armen sunder / das
hie nicht nott were / eynen Esel den andern sack tres
ger nennen. Noch lassen sie den balcken ynn yhren aus
gen stehen / vnd sehen auff das stickle ynn vnsern aus
gen / rhumen vbir vns / das wyr vngern beychten / ges
rad als weren sie / die da gern beychteten / so mans
offentlich wol anders weyss. Auch haben sie gutt rhu
men widder vns / sie horen vns / vnd wyr müssen yhn
beychten / solt man das redlin vmbkeren / wie billich
were / das sie vns auch musten beychten / vnd vns ho
ren lassen / die grosse wunder heylickeyt vnter den kut
ten verporgen / da solten wyr wol ynnen werden / wie
sie sich mehr rumpffen krümen vnd schüttern wurden /
denn wyr / da wurden die grossen liebhaber vnd prey
ser der beycht / gar vbel von yhrer aller liebsten beycht
sagen / da wurde sich der rhum gar schnell legen / vnd
vns mit friden lassen / ia sie würdē bald erfinden / das
nicht nott noch gepott were zu beychten / vnd sich den
noch rhumen / sie thettens nicht aus has der beycht /
sondern aus liebe des rechten / Aber nu sie vns nicht
beychten müssen / ertichten sie es sey nott vnd gepotten
lassens dabey bleyben / spotten vnser geprechlickeyt
noch dazzu / vnd sollen yhr tyranney vnd spott gerne
leyden / so niemant denn sie allein solcher vnser geprech
lickeyt vsach vn̄ schuldig ist mit yhren freuelen ertichs
ten tollen gesetzen.

Wenn wir nu widderumb fragen. Warumb denn
sie so gern beycht horen / vnd die beycht also preysen /
die wir schewen / so find sich die redliche ursach /

*warumb die
gemeine beicht so
gerne*

Der heylige Beicht pfenning - der
gros Notthelffer / wenn der thett / das sie nicht des
bauchs forchten / er mochte verschmachten / soltistu
wol sehen / das beychten widder not noch gepot wer.
Aber auff das der selb zyns nicht abgehe / darauff so
viel beuche vnd mast sew ynn den klöstern gestift sind /
mus die beicht von Gott gepotten seyn / vnd eyn ge-
schrey vnter vns erhebt werden / das die heylige diener
des bauchs / vnd das zarte fressuolck / durch die beicht
vns armen sunder selickeyt suchen / Vnd wer das
glewbt / der glewbt den vbirsten / besten vnd reychsten
artickel des heyligen Christlichen glawbens / denn er
tregt yhe gross gutt vnd reychtumb / so die andern /
wilch Christus gepotten hat / alle arm machen. Auch
so bringt er furwar / viel seltzamer new zeyttung / die
den kutzel oren lieplich zu horen sind / vnd darnach da-
uon die heylige leute zu geystlicher frolockung / vbir-
tisch vnd vnter eynander reden / vnd sich ergetzen mu-
gen. Wer aber den artickel leugnet / der hat Gott ver-
leugnet / vnd nicht alleyn got verleugnet / da yhn nicht
so viel an gelegen ist / sondern hatt eyn loch ynn yhren
bauch gestochen / wilcher ist yhr rechter Gott / dauon
S. Paulus sagt / Quorum deus venter est / der bauch
ist yhr Gott / darumb ist yhn keyn schimpff noch scher-
tzen mit dem bauch / er ist eyn weych Gott / vnd hatt
keyn beyn / wurd gar schnell zu stochen wenn sie seyn
nicht mit vleys warnemen .

*der bauch ist
gott*

Wenn sie nu vns auch nicht alleyn beychten / son-
dern auch den Beichtpfennig geben solten / mochts
warlich

warlich geschehen / das vnser geprechlickeyt gesundt
wurd / das sie ia so starck were / als ytzt yhr heylickeyt
ist / vnd solt vns die beycht villeicht so lieb sein / als sie
ytzt yhn ist. Aber vnser Bauch ist solcher purgation
nicht wirdig / darumb müssen wir bleyben geprechlich
vnd feynd der beycht / wilcher sie durch hulff solcher
starcker ertzney leicht mügēholt sein / den yhrem bauch
ist damit alle geprechlickeyt entnommen. Wie ernst-
lich aber sie vnser heyl suchen ist leychtlich zuerkennen
aus andern stucken / die nicht beichtpfennig tragenn /
noch dem Bauch helffen / wilche sie wol vnberurt vnd
vngēübt lassen da doch alle macht anligt.

Darumb hab ich ditz Euangelium zuuor lassenn
auszgehen / das sie greysfen mügenn / wie feyn sie die
Euangelia biszher vns predigt / vnd die beicht gegrün-
det haben. Auch wil ich hie mit meynen lieben deut-
schen / die Postillen credentzen mitten aus dem faß /
wie wol ich sie ytzt nicht weitter denn vom Aduent bisz
auff Epiphania bracht habe / vñ mitten in der erbeit /
ymb der lesterer willen die ordnūg brechen muß / doch
da ligt nichts an. Es kompt wol widder zu recht. Die
mit Got befohlen / Am tag Lamperti. M. D. xxi.

Am Diertzehenden Sonntag nach
Pffingsten Euangelium Luce. xvij.



D A Ihesus wandelte gen
Hierusalem / gieng er mittē durch Sa
mariam vnd Galileam / vnd da er yn
ein stettle gieng / sind yhm entgegen lau
ffen / zehen aussetzige menner / die stuns
den von fern / huben auff yhre stym / vñ
sprachen. O Ihesu Lieber Meyster / Erbarme dich
vnser. Da er sie aber sach / sprach er / Seht hyn / vnd
zeygt euch den priestern. Vnd ist geschehen / da sie giens
gen / sind sie rein worden. Eynes aber vnter yhn / da er
sah / das er war reyn worden / ist widderumb gangen /
vnd hat Got erhaben mit grosser stym / vnd fiel auff
sein angesicht zu seynen füßen / vnd danckt yhm / vñ
der selb war ein Samaritan. Da antwortet Ihesus
vnd sprach. Sind yhr nicht zehen reyn worden ? wo
sind den die newne ? Ist keyner erfunden / der do wid
derumb gienge / vñ gebe Got die ehre / denn alleyn dis
ser frembdlinger. Vnd sprach zu yhm. Stand auff /
gehe hyn / denn deyn glawbe hat dyr geholffen.

Ehe wyr zur auszlegung greyssen / müssen wir zu
uor aus dem wegrewmen / das vnkraut falscher lere /
so aus disem Euangelio getzogen / vnd die leut damit
betrogen sind. Nemlich die weyl Christus die ausses
tzigen zu den priestern weyset / geben sie fur / es sey da
mit gepotten / die heymliche beycht. Vnd wie wol das
eyn nerrichte auszlegung ist / so aber doch die einfelti
gen damit beschreckt werdē / vñ den reysSENDē wolffen
die nichts so fast begeren / als das niemant ym armen
volck / etwas von der rechten warheyte vnd yhre torheyte
B erkenne /

erkenne / Ausz ich vber das / so ich ym sermon von der
beycht geschriebē / noch weiter disen spruch handeln /
vnd so viel myr m̄glich ist / widerstreytten / das sie
vns nicht mit sehenden augen blindt machen / wie sie
gerne wolten / vnd wie sie ein ding viel mal anfechten /
mussen wirs viel mal vorfechten.

Zum erstē. Christus heisset dise auszsetzige nicht beich-
ten yhre sund / sondern schlecht sich ertzeigen den pries-
stern / wie alle auszsetzigen thun mussten nach dem ges-
etz Mofi. Wo wiltu den die sprachē also vorkeren vñ
wandeln / das ertzeigen sey so viel als beichten / ausz-
satz sey szo viel als sund / so must an allen orten der
schriffte zeygē / so viel heysen als beichtē / so hette Chri-
stus beichtet / da er seynen iungern zeygt hend vnd fuß
am ostertag / vñ got hette Mofi beichtet / da er yhm dz
holtz zeyget / dz er in das bitter wasser Marath warff
vnd wurd damit ein wust ding in der schriffte werden.
Desselbē gleychen so auszatz sund ist / so ist es ein wūder-
lich sund / sintemal niemāt willig auszsetzig wirt noch
bleibt / ia aus gantzē hertze hasset vñ fleucht / das man
sie auch darūb auszsetzig nennet / das sie vō der gemein
auszgethan vñ auszgesetzt werdē in sonderliche heuser.
Aber sund ist ein ding / das man mutwillig annimpt.
Weytter / so der auszatz sund ist / so müssen allein die
auszsetzigen beichten / vñ die andern alle müssen nicht
beichtē / den sie haben keinen auszatz / das ist nach dis-
ser auszlegung / sie haben keyne sund / was möcht ners
richter vñ tōrichter gesagt werden.

Zum andern. Ja sprechen sie / der auszatz bedeutet
sunde / vñ das zeygē bedeutet beichtē. Antwort. Das
gilt vñ hilfft nichts / es müssen klar auszgedruckt wort
sein / von der beicht vñ sund / den die figur vñ bedenta-
tung / bloß für sich selb / bewerē vñ zwingē nichts / als
S. Augustinus sagt. Als nemlich / das das volck von
Israel

Ostertag

L. p. 20

G. 20

Figurum
militis

Israel gieng durch das rote mer / hat bedeut die tauffe
wie S. Paul. i. Corint. x. sagt. Item die selbige tauffe
wart auch durch die sindflut zu Noe zeytten bedeu-
tet / wie S. Petrus sagt. i. Pet. iij. vñ in viel mehr figur.
Aber wen nicht vber solchs bedeu- / Christus hette
mit eygentliche vñ klare wortte / die tauffe eingesetzt vñ
gepotten / wer wurd sich yhe zu teuffen lassen yhe ges-
dacht habē? ia wer were so kune vñ wolt sich lassen teu-
ffen on solch klar einsetzung der tauffe / aus vrsach allein
der bedeutung. Es were solchs teuffen nicht ein teuffen /
sondern nur ein spot vnd gaucke werck widder Gott.
weiter wo solch figur vñ bedeutung gnugsam were zu
zwingen das zuthun / das es bedeu- / so were Noe
schuldig gewesen sich mit den seynē zu teuffen / den die
sindflut der tauffe deuttig / war der zeit vorhandē / also
das volck von Israel were schuldig gewesen sich auch
zuteuffen / ym roten mer / da der tauffe bedeutung war /
vñ hette beyde Noe vñ sie alle todlich gesündigt / were
auch vorloze / das sie der deuttig nich hette gnug than.

Item man helt das Melchisedech habe die messz bedeu-
tet / da er brot vñ wein opferte Gen. xiiij. So nu die be-
deutung allein ist / on new eygetliche einsetzung der messe
durch Christu / wer wolt oder künde messz haltē / ia es het-
te Melchisedech vñ alle patriarchen gesündigt / das sie
nicht messz habē gehalten / vñ der bedeutung gnug than.
Aber nu die bedeutung nicht zwingt / ia vorpeut dz man
nit thu / es werde den eingesetzt vñ got auff s new / was
sie bedeut / so were es sund vnd gros misstat widder
Gott gewesen / allein aus der bedeutung messz haltē. Vñ
was were es not gewesen / tauffe vñ Messz vñ new ein-
zusetzen? so die bedeutunge gnug were / die vns solchs
zuthun zwingē / so were kein vnterscheid des neuen vñ
alte testamēts / kein vnterscheid der figur vñ erfullung.

B ij Item

*Bestimmung der
tauffe*

*Bestimmung d
messe*



Bedemung
außerstimmig

Item das Isaac Abrahams son wart geopffert/
vnd doch widder losz wart/bedeut die auferstehung
Christi./vnd vnser aller am iungsten tag. Wen nu die
bedeutung gnug were/vnnd zwunge zuthun/was sie
bedeut/so were Abraham/Isaac/vnd wyr alle vordampt
das wyr noch nicht auffstehn vō den todten/
wie vns die figur lernet. Darumb ist's gar eyn aus der
massen nerrisch ding/woman etwas aus blosser figur
wil grunden odder beweysen/wilche doch so gar vns
nicht binden/das sie auch zurfullen ynn feynen weg/
yn vnser macht stehen/auch nicht wissen mügen/wen
die zeyt ist zur fullen/sondern alleyn Got erfüllet sie/
wenn vñ wie er wil/durch seyne new eygentliche eyn-
setzung/so lange wyr die selben nicht habē/gehñ vns
die figur nichts an/vñ zwingen noch dringē nichts/
sondern wenn die eynsetzung vnd erfullung geschehen
sind/so kōmen denn die figur dazzu/vnd zeygen wie
solchs vortzeytten durch sie sey bedeutet/das es ges-
schehen solte. Bleych wie die heylige Hanna Luce. ij.
bey Christo stund ym tempel/vnd redet von yhm.
Item die gantze schrift zeuget vnd bedeut, das Got
tis son solt mensch werden. Wen die bedeutung gnug
ist/was ist not/das er mensch ist wordē? wer es doch
gleich viel/ob er nicht were mēsch wordē/sintemal wir
seyne figur haben. So weren auch alle veter vñ pro-
pheten vordampt/die seynes gepurt gewartet/vñ yhn
nicht haben lassen benugē an den figur. Was möcht
nu vngeschickters sein/denn dise Sophisten/die vns
die heylige schrift nur mit figur handeln/vñ der sel-
bigen erfullung nicht furlegen? das ist doch nicht an-
ders/denn nns die schalen vō der nuß/die hulssen von
den drawben/die fleyen von dem mēl geben. Es were
besser/beydes mit eynander/odder alleyn den fernem
vnd

vnd safft vnd mel geben / wie sich gebürt zum newen
Testament. Darumb sehen wyr / wie wol sanct Aus
gustinus hat gesagt. Figura nihil probat.

Also auch hie / ob sie schon erstritten hetten / das zey
gen so viel sey als beychten / das sie doch nicht mügen
erstreitten / dennoch mussten sie dises bedeutens erfül
lung klerlich beweyssen / wo die selben Got erfüllet vñ
eyngesetzt habe ym newen testament. Denn wo die fig
gur gnug were gewesen / durfft die beycht nicht eynge
setzt werden / vnd hetten alle gesündigt ym alten testa
ment / die weyl sie der beycht figur hatten / vnd doch
yhr Keyner beychtet. Vnd so wyr auch nicht mügen be
weyssen diese eyngesetzung vnd erfällunge der figur /
sind wyr nicht alleyn nicht schuldig zu beychten / son
der thun die aller schweristen sund vñ missetat / so wir
beychten / denn damit vnter stehen wyr vns selb die fi
gurn zurfüllen vnd eynzusetzen / was sie bedeutet / wil
ches doch niemant / denn alleyn Gotte eygent / der die
figur auch selber vnd alleyn gesetzt hat. Meynstu narr /
das er dyr wolle gestatten / das grossist vnd beste zu
thun / vñ yhm selber das geringste behalten ? Du hast
yhe die figur nicht gemacht noch eyngesetzt / wilche
das geringste sind / sondern allein Got / vñ vormissist
dich zu machen vñ einsetzen die erfällung / wilchs das
grossist ist. Bistu nicht vn Sinnig widder deynen Got ?
Aber also geht es denen / die ym der schrift mit yhrem
liecht faren / vnd mit blossen figuren spielen.

Nu vbir das / das sie nicht schliessen mit figur / vñ
yhr erfällung nicht müge beweyssen / so feylen sie auch
weyter / das sie keyn figur habē. Nemen das fur ein fi
gur / das nicht figur ist / vñ kauckeln also einher / das sie
widder figur noch erfällung auff bringen. Es were eyn
leidliche nartheit / das sie doch mit blosser figur furen /

B iij ob

ob sie die erfällung nicht hetten. Nu aber ist, das auch nicht figur / das sie figur machē wollen / vñ greiffen als so Got in seine beydehēde / wollen selbst figur vñ erfällunge / das grossist mit dem Kleynistē machē / gerad als hetten sie macht / das volck vō Israel durchs rotte meer zufuren / in eyner figur / vñ darnach auch die tauff einzusetzen / zu erfällung. Das ist auch ein gewisse regel. Wer die erfällung nit kan zuuor beweysen in der schrifft / der feylet gewislich der figur / vñ nympt seynen eygen trawm fur die figur / denn aller figur erfällung stehn ym newen testamēt. Darumb musz man zuuor die erfällung aus dem newen testamēt bringen / vñ als den die figur drauff zyhen / so gibt sichs / vñ stympt lieblich mit einander / vnd gehet ein rad ym andern / wie Ezechiel sagt. Die weyl den sie nit mügen beweysen / aus dē newen testamēt / das man sund beichten solle / so gilt yhr figur schon nichts / das zeygen dem priester so viel sey / als sund beichten / denn es zwingt solchs nicht eher / du weyffist denn / wo vō sund beichten ett was stehe ym newen testamēt / darumb hastu der figur gewislich gefeylet / vnd ist dein eygen trawm.

Figur / al man
mit erfällung
2. Psiff 26
weyffst

Brich ym newen
testamēt mit
grunde

Denn ich mag dasselb zeygen dem priester / so ich on schrifft faren wil / auch wol anders furen / den auff die beycht / wie du thust / vnd wil sagen / es heysz den priester ehren odder grussen / odder yhm ein buch bringen / odder yhm etwas sagen. Vñ wil gerne sehen / wo mit du mir solch deutten / wilt nidderelegen? Ich habe yhe so gut macht zu figurirn / als du hast / daz zu so stympt das new testamēt mit mir / vnd sagt viel von priester ehren. Aber von deynem beichten sagt es nicht einen buchstabē. D wilch ein wildt / wust / studirn vnd predigē solt aus disem mutwilligē figurirn folgē / wie es den auch erfolget ist. Den solch trawm predigt vñ
trawmlar

trawmlar regirt ytz in aller welt / zuhor in dē klöstern /
stiffte vñ hohē schulē / gebē für sie predigē vñ schrift / so
es nur yhr kauckel werck ist vñ die schrift vñ irtzogē.

Datzu ist das nit auch ein redlich stuck / das sie auch
yhr nichtige ertichte figur nicht recht hādēln / so gantz
vñ gar kan das blind vorkeret volck nichts / das sie yhr
eygen trewme auch nicht wissen furtzulegen / den liegen
vñ triegen ist auch kunst / wer es wol treyben sol. Sie
machen den außsatz geystlich / aber das zeygē machen
sie nicht geystlich / den priester auch nicht geystlich / dē
menschen auch nicht geystlich / so es doch allis sol vñ
muß geystlich sein / was die figur deutet. Das ist eyn
recht buben stuck vñ Satans art / ein stuck geystlich nē
men / vñ das ander allis leyplich machē / vñ darnach rü
men / man habe die figur außgelegt. Darüb wie der
außsatz geystlich ist / also must der priester auch geyst
lich sein. Aber sie sind yhe leypliche priester / wie wir
hören werdē / so ist das beichtē yhe so leyplich / das mit
dē leip / mit gehen / an einē leyplichē ort / mit leyplicher
rede / elnem leyplichen priester euserlich geschicht / als
diese zehē außsetzige sich leyplich ertzeygt habē. Ist dz
nu nicht ein fein außlegüg d figur / da ein leyplich ding
ein ander leyplich ding bedeut vñ erfüllet? Mōlstein
solt man an yhr helse hengen / vñ sie erseuffen / wie
Christus sie würdig achtet Mat. 18. die solch ergernis
auffrichtē / vñ vorkerüg der schrift in die armē vñ schul
digē hertzē treibē / vmb yhrs schēdlichē bauchs willen.

Also sihestu / wie fern ditz vorfürisch volck von der
warheyt ist. Die erfüllung der figur haben sie nicht /
figur habē sie auch nicht / dartzu yhren trawm / konnē
auch nicht figurlich handeln / liegen vñ triegen / vñ
eynem stuck / mehr denn dreyffeltige schedlich lügen
was aber die figur deutet / wollen wir hyrnach sagen /
ytzt

ytzt sey gnug/das sund beychten/nicht müge durch
zeygen dem priester/bedeut odder figurirt sein. Nicht
alleyn darumb/das beychten nyrgen steht ym newen
testament / sondern auch solch priester/solch beycht
kind/solch aussatz/nicht dymnen yrgent berurt wirt/
den aussatz bedeut nicht alle sund/wie wir hörē werdē
Zum dritten. Wenn nu solch narnwerck vñ trewm
fabeln schon nicht weren/vñ all yhr figur vñ deuten
war were/das durch zeygen dem priester/die beycht
gepottē were/So ist dennoch/noch weyt dauon/das
sie suchen. Wenn sie wollen/die beicht sol begreiffen als
le menschen. Nu hat Christus doch nur zu den aussatz
setzigen gesagt/sie solten sich den priestern zeygen/das
lest sich yhe nicht vñ allen mensche vorstehen/sintemal
sie nicht alle aussatzig sind. Sagen sie aber/das durch
die aussatzigen/alle mensche bedeutet sind/so lauffen
sie recht wol an. Zum ersten/das sie yhr ding abermal
auff die peltzermel setzen/vñnd kriechen zur figur/der
sie nicht mühen anzeygen yrgent ein erfüllug/vñd also
trawm geticht für figur auff bringē/datzu sie mit leyp
lichen dingen auszulegen/leyplich mensche durch leyp
lich menschen bedeutten/wie droben gesagt ist/darüb
ist das keyn nutz/vñd schendet sich selb. Zum andern/
reden sie widder sich selbs/vñd aller vetter auszulegen/
die da eintrechtlich halten/das die aussatzigen nicht
alle menschen bedeutten/sondern nur die ketzer vñ fal
sche lerer/die der schrift vñd warheit misprauchen zu
yhren lügē/eben wie disze beycthengste thun vñd aussatz
satz sey nichts anders/denn lere die falscheit mit war
heit mäget. Ist die auslegugē war/so mag auch die be
deuttug/wen sie schon die beicht bedeut/nicht zwingē
alle menschen zubeychten/szondern alleyn die ketzer/
vñd alle falsche lerer vñd iunger. Die andern sunder/
geht

*Die aussatzigen
bedeutten nicht
alle menschen*

*Die aussatzigen be
deuten die ketzer vñd
falsche lerer*

geht solch figur nichts an. Was wollē sie hie zu sagē?
sie haben den spruch auff alle sunder trieben/vñ bekēn-
nen selb/das ehr nur das weniger teyl sunde betreffe/
auch in seynere bedeutunge/vñ haben dartzu yhn auff
die beycht weiter triebē/da yhn die vetter nicht hyn trey-
ben/sint es nicht betrieger vñ lūgener die bauchknecht.

Vbir das zum dritten. So die außsetzige alle mens-
schen bedeuten/fragen wir. Wer sind den die priester
zu den sie Christus weyset? Sie sind yhe nicht dy außses-
tzigen auch nicht durch sie bedeut/so sind sie gewislich
nicht vō der zal aller menschen/die durch die außsetzis-
gen bedeut sind/was sind sie den? Weiter/sind sie et-
was anders denn die außsetzige/so sind sie nicht sun-
der/szo durffen sie nicht beichten/Wer sundigt aber
mehr/vñ wer beichtet mehr denn die priester? Drum
solt billich Christus habē/die priester heysen zusamē
gegen/vñ sich vntereinander ertzeygen/das die beicht-
hengst möchtē mit yhrem trawm bestehn. Nu er aber
die außsetzigen zu yhn sendet/wil draus folgen/nach
yhrer Theologia/das die priester nicht mensche sind/
noch sunder/sollē auch nicht beichtē/oder wir müssen
andere priester hie suchen/die da nit sunder noch men-
schen sind/vnd vnser priester vnter die außsetzige zelen.
Thun wir aber das/so sind wir aber von der beycht
frey/denn Christus heyst nicht die außsetzige zusamen-
gehn/vnd sich ertzeygē vntereinander (das ist) ein sun-
der kan dē andern nicht beichtē/sondern der außsetzige
sol zu dem reynen priester gehn/wilcher ist keyner auff
erden/denn sie sind auch alle sunder/odder müssen bes-
kennē/das sie nicht ehe priester sind/sie sein denn reyn/
vnd mügen nicht beicht hören/noch absoluirn/noch
meszhaltē/sie sein den heylig/wilchs sie doch vordāpt
haben als den hohisten yrthum. Aber es wil hie also

*Was dy lufft
zu weissen
dy außsetzige
gewislich sind*

L aus

aus yhrem eygen vorstand geweltiglich folgen / wee
denn yhrem armē bauch / wie sol yhm der magen plas
tzen / wo die folge auffkompt / das sie heylig odder nit
priester sein sollen / wie diese yhr lere schleust.

Sihe wie manchfeltige gewliche stosse thun die lü
gen / die wider die schrifft lauffen / das wo man sie hyn
keret vnd wendet / szo folgt eyttel gewel drausz / vnd
eben das widderpiel yhn begegnet. Bleych als hie /
da sie vns durch disen spruch haben wollen zur beicht
zwingen / machē sie vns eben dauon losz / mit yhrer eys
gen glosen. Vnd damit sie sich haben wollen vbir vns
erheben / machen sie sich selb zu nicht / das sie widder
priester noch menschen / sondern nur lügner vñ vorfus
rer bleyben. Ifurwar in diesem exempel sehen wir / wie
nit schympffen ist mit der schrifft / sie stost altzu gew
lich / vnd macht yhr Philistiner / wie die Archa thet /
manchfeltiglich zu ewigen schanden.

Zum vierden. Wen wir nu schon alle solch yhr vns
geschickte lügen vñ narreheit zudecken / vñ zu gut halten
woltē / das der aussatz alle sund bedeutet / vñ die auss
setzigen alle sunder / wie sie furgebē / so wils doch noch
nyrgen fort mit yhrer beicht. Ihr bauch ist zu vol gewe
sen / hat den kopff nicht lassen die sach wol ansehē / der
beychtpfennig hat yhm zu helle geschynnen / vñ altzu
wolgefalle / daruber hat er sich selb vbiireylet. Wolan
last vns yhn zugebē / das der aussatz alle sund bedeut
te / die zu beichten sind / wollen mit yhrem eygē schwert
fechten / vnd foddern widderumb von yhnen / das sie
vns zugebē / das die wassersucht / die durre / die blind
heit / die gicht / die lehme / der tod / vñ alle die kräckheit
die Christus ym Euangelio vortriebē hat / auch sunde
bedeutē / das müssen sie yhe bekennen vñ zugebē. So
fragē wir sie. Wie geht es den zu / das der selbigē keine
yhe ein

yhe ein mal Christus zu dē priestern vorweyset hat / son-
dern nur die aussetzige? Nu last vns gegē ander trettē.
Christus ym Euangelio hat nur zwey mal die aussetz-
zigen zu den priestern heysen gehn / damit bewerer sie
die beycht. So nemen wir die andern zeychen alle des
gantze Euangelij / widder die zwey der aussetzige / vñ
bewerē damit / das nit zu beichten sey. Lassen hie yder
man richtē / ob vnser grūd nit stercker sey / der dz gantz
Euangelium hat / des sie nur zwey kleine stuck habē / sin-
temal die sund durch alle krankheit ist bedeut wordē /
vñ kein mal zu dē priestern / des nit nur zwey mal die kran-
cken geweyset sind. So wirt folgē / das entwedder zu
gleich zu beichten / vñ nicht zu beichten sey / odder die
beycht ist nicht wol durch sie auff den aussatz gegrün-
det / den sie mugen nicht sagē / warūb nicht die viel mit
andern krankheyten die auch sunde bedeutten / nicht
sind zu den priestern gesand. Dringen sie nu hart / das
dem priester sich die aussetzigen ertzeygē sollen / so drin-
gen wir viel hertter / das die lamē / blinden / gichtigē /
besessenen / tauben / stūmen / todten / sich nicht müssen
noch sollen den priestern zeygen.

Weiter da er die iuckfraw vom tod erweckt Mar. v.
vorpot er hart / sie soltens niemant sagen. Vnd Marci
vij. da er den stummen vñ tauben gesund macht / vor-
pot er auch / sie soltē niemants sagē. Hieraus schliessen
wir / das die beycht der sund vorpottē sey / so starck als
sie schliessen sie sey gepottē. Sintemal sie nicht mugen
leucken / das tod / taub / vñ stūme auch sunde bedente
vñ er doch niemant dauon wil gesagt habē. Widder
ymb Marci. v. gepoter dem besessenen / ehr solt hynn
gehen ynn seyn haus / vnd sagen was Got yhm than
hatte / Hieraus wollē wir schliessen / das nit allein den
priestern / sondern auch weyb / kind vñ gesind zu beich-
ten sey / den disen menschen weyset Christus nicht zu

Lij den

*Nicht von den
priestern gebot*

*Das heist vor
potten / vñ*

*Wirdt attay dem
priest. Sunde vñ
schiffen salman
beystern*

den priestern. Sihe wilch ein wüderlich ding wil aus der beycht werden / das sie zugleich sey gepotten vnd vorpotten / zu gleich den priestern vnd nicht den priestern zuthun. Was mügen sie hie zu sagen / denn das sich yhr geytziger wanst schemen muß / das er also genant hat mit Gottis wortten / vñ die welt den armen hauffen so yemerlich vorfuret hat.

Item was wil auch daraus werden / das Christus die außsetzige nicht zu einem priester weyset / sondern zu vielen / vnd spricht / Beht hyn / vnd zeygt euch den priestern / das mag yhe nicht ein heymlich beycht bedeuten / die nur eynem zuthun ist. Auch so geben vnserre beycht tyrannen fur / sie vortilgen die sünde abe / das bedeutet dise figur nicht / denn die priester machtē diese außsetzige nicht reyn / sondern empfiengē das opffer nach dem gesetz vō yhn / die schon reyn warē gemacht von Christo. Wenn sie doch also viel vornunfft hettē / das sie sprechen / ditz ertzeygen dem priester were der beycht gleych / so giengs wol hyn / denn gleich wie ich mich zeyge zu dem ich gehe / also zeygt sich der da beicht dem priester. Das also die beycht mocht wol viel gleychnis haben / nemlich aller der / die sich gegen ander ertzeygen. Aber das sie ein gotlich figur vnd gepot draus machen / da schnarckt der bauch zu Fastnacht nach dem Beychtpfennig.

Darumb sihe zu / ist der furmund des bauchs iuncker geitz / nicht ein listiger schalck ? Er hatte aus dem gantzē Euāgelio auff die beicht zogē / keine Franckheit / denn allein den außsatz. Lieber warumb das ? Ey ersach das alleyn da selbis die priester worden genennet das man yhn opffern solt / da dacht er / harre das wirt gut werden / Wie wollen wir ein beycht aus machen / so muß der beichtpfennig mit kōmen / die andere wunderzeychen

dertzeychen/ob sie wol auch sund bedeutten/die weyl
sie aber den priestern nicht zuweysen das opffer/wollē
wir nit lassen zur beycht dienen. Wie dunckt dich/hat
ers nicht feyn fundē? das sie vnser herren wordē sind/
vñ vns vmb vnser gut bracht/mit solchen grobē schend
lichen lügen? das ich nicht weysz/ob sie mehr straff
vordienet haben/das sie vns also geeffet haben/odder
wir/das wir so gar stock narn gewesen sind/vnd has
ben vns solch tolle vngeschickte lügen lassen blenden.

Zu letzt greyffen wir zu dem heubtstück. Sie müssen
yhe bekennen/das diese figurische priesterschaft/die
ym alten testament war/ytzt nimmer sey/so fragē wir
sie/wo her sie die macht haben/das sie durffen sagen/
sie selb sein durch yhene priester bedeutet/vnd machen
sich allein zu priestern des newen testaments. Es ist
nicht ein buchstab ym gantzē newen testament/darin
sie priester genennet wordē. Was wollen sie hie zu sa
gen? die aussetzigen sollen zu den priestern gehen/wo
sind die priester? Sanct Peter. i. Pet. ij. sagt/das ym
newen testament keyn sonderliche priester sind/son
dern alle Christen sind priester/durch yhene priester be
deuttet/die weil sie denn nicht priester sind/geht sie die
figur/vnd der spruch nicht an/viel weniger das opffer
vñ der heylige beychtpfennig. Es hilfft auch nicht/dz
ettlich heylig veter habē yhren standt priesterschaft ge
nēnet/den damit ist nichts aus der schrift auffbracht/
sie haben wol mehr ding geschrieben/das nicht in der
schrift steht/solt es darumb vor artickel des glaubē
auffgenōmen werden? Es sind menschen gewesen in
vielen stuckē. Viel weniger hilfft die außflucht/die der
lügen von Leyptzck ertichtet/vñ schreibt/das zwey
erley priesterschaft in sanct Peters wortten sey zu vor
stehn. Ein geistliche/nach wilcher alle Christē priester
L ij sind/

*Weyl sie alle
Priester*

*Wir sind
Priester*

sind / vnd ein leyliche / nach wilcher sie alleyne der bes
schorne vnd geschmirte hauffe / priester sein / den solchs
geticht steht auff putter fussen. Wenn S. Peter vō ze
henfaltigem ia vō tausentfaltigē priesterthum zuvorste
hen were / so weren sie doch alle Christen gemein / den
seyne wort sind zu allen Christen geredt / wie niemant
leugnen mag / darūb werde drynnen beschorn oder vn
beschorn priesterthum vorstandē / so musz vō allē Chri
sten vorstandē werdē. Die weyl aber nicht alle Christē
beschorne priester vñ platten treger sind / ist nicht mug
lich / das S. Peter von dem plattischen beschornen
priesterthum rede / wie der selb lūgener leugt vñ treugt.

Vnd warumb habē sie nicht Mosen auffgeruckt vñ
gesagt / das er die beicht mit disen wortte habe einges
setzt? Sind es doch nicht Christus eygen wort / sōn
dern Mosi / der Leui. xiiij. vñ. xiiij. gesetzt hat / das die
aussetzigē sollen sich dē priestern zeygen. Vñ Christus
sie nicht als seyn eygen / sondern als des gesetzts wort
antzeucht. Sollen sie den die beicht grunden / darūb
das sie Christus antzeucht / so mussten sie viel mehr die
beicht grunden yn dē gesetzts Mosi / da sie vrsprunglich
stehen / oder solten die wort des gesetzts darūb etwas
anders vñ newis deutte / das sie Christus antzeucht /
so must auch das etwas anders heysen / denn Moses
wolt / da Christus aus Deutro. vi. antzeucht. Du solt
Got deinen herrn liebhabē aus deynē gantzen hertze.
Itē so mochten sie sagen / er het kirchē weyhe eingesetzt
da er den spruch Isaie furet. Meyn haws ist ein betts
haus / vnd treyb daraus die keuffer vnd vorkeuffer / vñ
so fort an / alle spruch wurden etwas anders deuten /
denn sie ym gesetzts haben / der er viel eynfuret. Was
were aber das anders gesagt? denn das Christus ein
lūgener vnd vorkerer were der heyligen schrifft. Was
wollen

Leui. 13. v. 12

wollen sie hietzu sagen? die lieben belliche vñ freszlin-
ge/denn das sie ein volck sind/das kein bedacht noch
fürsicht hat/plumpt einhyn wie ein saw/was yhn ein-
felt/das schwetzen sie/es treff odder feyle.

Die mit hoff ich/sey es klar gnug/wie aus diesem
Euangelio die beicht so felschlich getzogē sey/vñ wie
mit grossen groben lügen/sie durch priester sich selber/
durch aussatz alle sund/durch zeygē die beycht/durch
die aussetzige alle menschē/durch das opffer den bey-
chtpfennig außgelegt haben. Vnd wie nicht gnug ist/
figur antzuzihen/wo nicht zuuor die erfüllung grund-
lich vñ klerlich ym newen testamēt mag erweyset wer-
den. Darüb können wir nicht erlangē/was dise figur
des aussatzs/vñ zeygen den priestern bedeutte/szo last
vns bleyben in dē einfeltigen gewissen vorstand des ge-
setz Mosi/das Christus die aussetzigen darüb habe
zu den priestern geweyset/das er das gesetz Mosi hal-
ten/vnd nicht zureyssen wolt. Das er aber der andern
keynen zu den priestern weyset/macht/das kein gesetz
dauon geben war/er het sie sonst auch zu den priestern
geweyset. Denn vō blinden/lamen/gichtigē/taubē/
stumme/besessene/wassersuchtigen/todtē/vñ andern
franchtheytē/war den priestern ym gesetz nichts befoh-
len/sondern allein diese flichtige vnd umbfressige flie-
gende sucht des aussatzs/war yhn befohlē. Was die
selbige bedeutte/byn ich selb nicht vbrig gewisz/doch
wollen wyr vns dran versuchen/wen wir das Euan-
gelium haben nach seynem schriftlichen vnd hewbt
vorstand außgericht. Dauon nu zu sagē ist/weyl das
ynkraut außgerot ist/vñ vns rawm gebē hat. Spricht
nw sanct Lucas.

Da Ihesus wandelte gen Hierusa-
lem/gieng er durch mittel Samarien vnd Galileam.
Sanct

*Wunderb Xps
dy mystis
ym Testamēt
17. 18. 19.*

Sanct Lucas hat das gehalten für den andern Euāgelisten/das er nit alleyn Christus werck vñ lere/wie die andern/sondern auch die ordenung seyner reyszen vnd wege beschreybt. Also weysset sein Euangelium bisz ynn das dreytzehende Capitel/wie Christus zu predigen vnd zeychen angefangen zu Capernaum/da hyn er von Nazareth gezogen war/vnd da wonete/das die selbige stad ym Euāgelio/wirt genennet sey: nestad. Vnd vō der selbigen gieng er auß auff alle orte ynn die stedte vnd dörffer/prediget vnd thet wunder. Da er nu das alles außgericht/vnd das land vmbprediget hatte/macht er sich auff/vnd reysset zu Hierusalem/wilche reysze/wie er auff der selbigen predigt vnd wundert hat/bisz gen Hierusalem/beschreybt er von dem dreytzehenden Capittel an/bis an das ende/den die selbe reyse ist seyn letzte/vñ am ende seynis lebens ym letztē iar volbracht/das meynet er hie/da er sagt. Ihesus sey gen Hierusalem gangē/mitten durch Samarien vñ Galileam. Das ist so viel gesagt/disz wunder hat er than auff der reyse gen Hierusalem. Nw ist das nicht die richtige strasz von Capernaum zu Hierusalem/den Galilea ligt vō Hierusalem gegen mitternacht/vñ Samarien ligt Galileen an der seyten/gegen dem morgen/Capernaum aber ligt mitten yn Galilea. Vnd der Euangelist wil auch mit sondern vleys antzeygē/das er nicht die richtig strasz zogē sey/da er Samarien vñ Galileā nennet/vnd dartzu sagt/er sey mitten durch hyn zogen/nicht an der grentz auff dē nehisten wege. So ist Christus reyse vō Capernaum gegen dem morgen zum Jordan/vnd yn Samarien/von Samarien gegen den abent vnd Galileam von Galilea gegen mittag zu Hierusalē/eyn langsam weyt vmblesstige reysze/vnd hat yhm musz vnd weyl dartzu

Datzu nōmen / den nicht vmb seinen willen hat er also
reyset / sondern das er viel predigen vnd vielen helfen
mocht. Darumb zeucht er auch mittē durch die landt
das er offentlich wandele / yderman bereyt sey / das sie
auff allen seyten mochten zu yhm kōmen / yhn hören
vnd yhn helfen lassen / denn datzu war er gesand / das
er yderman dar geben were / vnd yderman frey seyner
gutte vnd gnaden geniessen mochte.

Da er in eyn stetle gieng: begegnetē
yhm zehen aussetzige menner / die stunden von ferne /
huben auff yhr stymme / vnd sprachen. O Ihesu lieber
gepieter / Erbarme dich vnser.

Docht yemand dē Euangelisten fragen / wie dise
aussetzige von ferne gestanden / vnd yhre stym erhebt
haben / so doch die aussetzige natürlich nicht laut redē
kunden / derhalben sie der prittschen odder klappern
brauchen müssen. Er wirt freylich antwortē / das sie
keyn meyle wegs von yhm gestanden / sondern das sie
nicht so nahe zu yhm tretten sind / als die mit yhm gien
gen / auch sind nit alle aussetzige so gar stymlos / das
sie nicht von eben fern / mochten gehört werden. Aber
hie mit wil der Euangelist / nach gewōheit der schrift
nur antzeygen / den grossen ernst yhrer begirden / das
yhrs hertze stym ist gros gewesen / wilche sie hat zwun
gen auch leyplich zu ruffen / so viel yhn muglich ist ge
wesen. Es ist aber ditz gantz Euāgelium ein schlecht
leycht historien odder geschicht / die nicht viel ausles
gens darff. Aber wie schlecht sie ist / so gros ist das ex
empel / das vns drynnen wirt antzeygt. In den ausses
tzigen leret es vns glawbē / yn Christo leret es vns lies
ben. Nu ist glawb vnd liebe / das gantz wesen eynis
Christlichen menschen / wie ich oft gesagt habe. Der
glawb empfehet / die liebe gibt. Der glawbe bringt
D den

den menschen zu Got/die liebe bringt yhn zu den men-
schen/durch den glawbē lest er yhm wol thun vō got/
durch die liebe thut er wol den menschen. Den wer do
glawbt/der hat alle ding von Got/ vnd ist selig vnd
reych. Darumb darff er hynfurt nichts mehr/sondern
allis was er lebt vnd thut/das ordenet er zu gutt vnd
nutz seynem nehisten/vnd thut dem selben durch die
liebe/wie yhm Got than hat durch den glawben/als
schepfft er gut von oben durch den glawben/vnd gibt
gut von vnten durch die liebe. Widder wilchs wesen
die werckheyligē mit yhren vordiensten vñ guten wer-
cken/die sie nur yhn selb zu gut thun/grewlich streyttē/
den sie leben nur yhn selb/vnd thun gut on glawben.
Dise zwey stuck den glawben vnd liebe laß vns nu se-
hen/vnn den aussetzigen vnd Christo.

*Sy ist die natur
des glaubens*

Zum ersten ist die natur des glawbens/das er sich
vormist auff gottis gnade/vñ schepfft ein guten wahn
vnd zuvorsicht gegen yhm/on zweyffel/vnnd denckt/
Got werd yhn ansehen/vñ nicht lassen. Denn wo sol-
cher wahn vnd zuvorsicht nicht ist/da ist keyn rechter
glawbe/da ist auch kein recht gepett noch suchen bey
Got/wo er aber ist/da macht er kun vnd turstig/das
der mensch frey thar sein nodt Got furlegen/vnd mit
ernst hulff bitten. Darumb ists nicht gnug/das dw
glewbist/es sey eyn Got/vñ bettist viel wort/wie ytzt
der leydige brauch ist. Sondern sihe hie zu in den auss-
setzigen/wie der glawb sol gestalt seyn/wie der selb
on alle meyster recht fruchtparlich betten lernet. Du
sihest hie/das sie von Christo/eynen guten wahn vnd
trostlich zuvorsicht gegen yhm gefast haben/vñ festig-
lich sich vormutet/er wurd sie gnediglich ansehen/das
selb vormuten macht sie kune vnd turstig/das sie frey
yhr not yhm furlegen/vñ mit gantzem ernst vñ grosser
stymme

stymme hulff begeren. Denn wo sie nicht ein solchen wahn vñ vormuten hetten zuuor zu yhm gewonnen/ weren sie wol daheyden bliebē/oder hetten yhe nicht yhm entgegen lauffen/ hetten auch nicht mit lautter stym yhn gepeten/sondern der zweyffel het yhn also geraden/was wollen wyr machen? wer weysz ob ers gern hat/das wyr yhn bittē? er sibet vns velleicht nicht an. O solchs wancken vñ zweyffeln bittet faul ding/ erhebt nicht die stym/leufft auch nicht entgegen. Es münelt wol viel wort/vñ plerret viel gesang mit grossem vnlust/aber es bittet nit/es wunschet nur wolt gern zuuor gewisz sein/obs erhört wurd/wilchs nicht anders ist/denn ein Gottis vorsuchen. Aber der recht glawb zweiffelt nicht am gutten gnedigē willen Gotis/drumb ist sein gepet starck vnd fest/wie der glaub ist/Das S. Lucas nicht vorgebens drey stuck vō yhn sagt. Das erst/das sie yhm entgegen gelauffen sind/das ander sie stundē/das dritt/sie erhuben yhre stym/mit den dreyen ist yhr starcker glawb gepreisset/vnd vns zum exempel furgebildet.

Das gegen lauffen ist die künheit/wilch getrieben wirt von der tröstlichen zuvorsicht/das stehen ist die festikeit vnd auffrichtikeit widder den zweyffel/das ruffen ist der gros ernst zu bittē/der aus solchem vormuten erwechset. Aber der anmechtige zweyffel/leufft nicht/steht nicht/rufft nit/sondern wēdet vñ krompt sich/schlecht den kopff nyder/fast das heubt ynn die handt/spert das maul auff/vñ lallet ymer daher/wer weysz/wer weysz? wens gewisz were/wie wen es felslet? vñ des gleychen zaghasstige wort/denn er hat keynen gutten wahn noch vormuten zu Got/vorsihet sich nichts zu yhm/drumb wirt yhm auch nichts. Wie S. Jacobus sagt Jacobi. i. Wer do bitten wil/der bitte yn eynem vnwanckenden glaubē/den wer do wancket/

D ij der

*mir beständig
sal man sitzen*

der gedencke mir nicht / das er etwas empfahē vō gots
te ꝛc. Darnach kōmen sie wie die tōrichtē iunckfrawen /
die das ole vorschutten / mit yhren leren lampen / das
ist mit yhren wercken / vnd meynen Got sol yhr pochen
hören vnd auffmachen / aber er wirts nicht thun. Sihe
eyn solcher gutter wahn / odder tröstliche tzuvorsicht
odder frey vornuttung zu Got / odder wie du es ymer
nennen wilt / das heist ein Christlicher glaube / vñ gut
gewissen in der schrift / dahyn man kōmen musz / wil
man selig werden. Aber man kompt nicht dahyn mit
wercken vñ leren / wie wyr sehen werdē in dissem exem
pel / vnd on solch hertz / ist keyn werck gut. Darumb
sihe dich fur / es sind viel schwetzer die vom glawben
vnd gewissen leren wollen / vñ wissen weniger dauon /
den ein grober flotz. Sie meynen es sey ein schlaffend
mussig ding in der seelē / sey gnug / das das hertz glews
be / Got sey Got. Aber hie sihestu / das gar ein lebens
dig geweltig ding ist vmb den glawbē. Er macht gätz
ein ander hertz / ein andern menschen / das er sich zu
Got aller gnaden vorsihet. Darüb treybt er zu lauffen
vñ zu stehen / macht kün zu ruffen / vñ bittē vor a:le not.

*Die ande art des
glawbens*

Die ander art des glawbēs ist / das er nicht wissen
noch zuuor vorsichert sein wil / ob er gnadē würdig sey
vnd erhōret werde / wie die zweyffeler thun / die nach
Got greyffen / vnd vorsuchen yhn / gleich wie ein blins
der nach der wandt tappet / also tappē die selbē auch
nach Got / vnd woltē yhn gern zuuor fulen vñ gewisz
haben das er yhn nicht entlauffen müge. Aber Sanct
Paulus heb. xi. spricht / Der glawbe sey ein angeben /
der vnempfindlichen dinge / das ist / der glawbe helte
sich an die ding / die er nicht sihet / fulet / noch empfin
det / wider ym leyb noch seele / sondern wie er ein gutte
vornuttung hat zu Got / so ergibt er sich drey / vñ ers
wegt

sich drauff/zweyffelt nicht es geschehe yhm/wle er sich
vornutet/so geschicht yhm auch gewiszlich also. Vñ
kompt yhm das fulen vñ empfindē vngesucht vñ vnbes
gert/eben in vnd durch solch vornuten odder glaubē.
Den sage mir/Wer hatte dissen aussetzige brieff vnd
sigel gebē/das sie Christus wurd erhören? wo ist hie
das empfindē vñ fulen seyner gnade? wo ist die kund
schafft/wissenschaft odder sicherheit/vō seiner gutte?
der keynis ist hie/was ist den hie? Eyn frey ergebē/vñ
frölich wagē/auff sein vnempfundige/vnuorsuchte/
vnerkante gutte. Da sind keine fuszstappē darinnen sie
spüren müchtē was er thun wolle/sondern allein sein
blosse gutte wirt angesehen/vñ macht in yhn ein solch
vornuten vñ wagen/er werde sie nicht lassen. Wo her
hatten sie aber erkentnis seiner gutte? den sie mussten
yhe vorhyn wissen/wie vnerfarn odder vnempfundē
sie ymer sein sol. On zweyffel/aus dem geschrey vnd
wort/das sie viel guts von yhm hatten gehöret/aber
doch noch nie empfundē/den gotis gutte musz durchs
wort verkündigt/vñ also auff sie vnuorsucht vnd em
pfunden gebawet werden/wie hernach folgen wirt.

Die dritte art des glawbens/das er kein vordienst
furtregt/wil auch nicht mit wercken Gottis gnade er
keuffen/wie die zweyffeler vñ gleyßner thun/sondern
tregt fur eyttel vnuordienst/hanget vnd vorlessit sich
bloszlich auff die blossen vnuordiente gutte Gottis/
denn der glawe mag nicht neben sich werck vnd vord
dienst leyden/so gantz vnd gar ergibt/erwegt vnd er
schwingt er sich in die gute/der er sich vorsetzt/kan fur
der selben seyne werck vnd vordienst nicht achtē/ia er
setzt/das die gutte szo gross ist/das alle g. e werck
nichts sind den sund/gegen sie geschetzt. Darvñ findt
er eyttel vnuordienst in sich/das er würdiger were des
D iij 30ms/

*Di. Dritte art
des glawbens*

zorns / den der gnaden / vñ das thut er on alles heuch-
len / den er sihet / wie es ym grūd vñ warheit nichts an-
ders sey. Das beweysen dise aussetzige alhie gar feyn
die on alles vordienen / sich gnade zu Christo vorsehē.
Was hatten sie yhm yhe guts zuvor than ? hatten sie
yhn doch nie gesehen / schweyg den gedienet. Auch so
waren sie aussetzig / das er sie billich vornyden hette
nach dem gesetz / vnd sich yhr geeuffert / wie es billich
vnd recht ware. Den es war ym grund vñ warheit vn-
uordienst vnd vsach da / das er nichts mit yhn / vnd sie
nichts mit yhm solten zuthun habē. Darüb stehen sie
auch von fern / als die yhr vnwürdickeit wol erkennen.
Also steht der glawbe auch fern von Got / vnd leufft
yhm doch entgegen vnd rufft / denn er erkennet sich ym
grund der warheit / das er vnwürdig sey seyner gutte /
vñ habe nichts dar auff er sich vorlasse / denn seine hoch-
berumpte vnd außgeruffene gutte. Vnd ein solche
seele sucht auch seine gutte / die da fern stehe vñ lere sey /
den sie kan doch gar nicht neben sich leyde vnser vordie-
nst vnd werck. Sie wil lautter vmbsonst kōmen / wie
Christus in ditz Lastel zu den aussetzige / auff das yhr
lob frey vñ rein bleybe. Sihe also stimpt es feyn in ein-
ander / das die liebe Gottis / yhre gutte frey vmbsonst
gibt / nichts dafur nympt noch sucht. Vnd der glawb
sie auch ia so bloß vmbsonst empfehet / das er nichts
drumb gibt / vñ also kompt der reich vñ arm zusammen /
wie der psalter sagt. Das betzeugen auch yhre wortt /
da sie sagen. Erbarm dich vnser / wer erbarmen sucht /
der kenfft noch wechszlet freylich nicht / sondern sucht
lautter gnad vnd barmhertzickeyt / als der yhr vnwür-
dig ist / vnd wol viel anders vordienet habe.

Sihe das ist ein feyn recht lebendig eygentlich ex-
empel des Christliche glawbes / das vns gnugsam ler-
ret / wie man sich dazzu stellē muß / wenn mā frum wer-
den /

den/gnade finden/vñ selig werden wil. Nu vñr diese
lere/folget nwo die reytzung zum glawbē/das wir gern
sollen glewben/wie wir ytzt gelernt sind zu glewben.
Die reytzung aber steht darinnen/das wir sehen/wie
solcher glawb nicht feylet/das yhm geschicht wie ehr
glewbt/vñ wirt erhöret gewiszlich. Denn. S. Lucas
schreybt/wie gnediglich vñ williglich sie Christus er
höret habe. Er hat sie angesehen vñ gesagt/wie folget.

Da er sie aber sahe:sprach er zu yhnē
Seht hyn/vnd ertzeygt euch den priestern.

Wie gar freuntlich vnd lieblich lockt der herr alle
hertzen zu sich/vñ reytzt sie in yhn zu glewben in disem
exempel/denn es ist nicht zweyffel/er wolle yderman
thun wie er dissem aussetzige thut/so wir vns nur frey
aller gutte vnd gnaden zu yhm vorsehen/wie den thun
sol vnd thut eyn rechter glawbe/vnd Christlich hertz/
wie auch thun vnd vns leren zuthun disze aussetzigen.
Denn wie gerner habe/das man sich frölich vñ frey
erwege auff seyne gutte zubawen/ehe man sie erferet
odder fulet/hat er hie gnugsam betzeugt/das er sie er
höret so williglich/on allen vortzug/das er nicht zu
uor zusagt er wolle es thun/sondern als sey es schon
geschehen/habe yhn than was sie wolten. Denn er
spricht nicht. Ja ich wil mich euch ewer erbarmē/yhr
solt reyn sein/sondern schlechts/Seht hyn/vnd zeygt
euch den priestern. Als solt er sagē. Es darff nicht bit
tens/ewer glawbe hats schon erlangt vnd erworben/
ehe yhr anfinget zu bitten/yhr seyt schon reyn fur mir
gewesen/da yhr euch solchs zu mir anhubt zuuornus
ten. Ist nicht mehr nodt/denn geht nur hyn/vnd zeygt
awr reynikeit den priestern/wie ich euch acht/vñ wie
yhr glewbt/so seydt yhr/vnd solt so werdē/denn er het
sie nicht zu dē priestern gesand/wo er sie nicht fur reyn
gesachtet/vñ also mit yhn fare wolt das sie rein würdē
Sibe

4/a 65

Sihe also mechtig ist der glawbe/allis bey Got zu erwerbē/was er wil/das fur got geacht wirt als geschehē/ehe es gebettē wurt. Dauō hat Isa. lxx. gesagt. Es sol geschē/ehe den sie ruffen/wil ich yhn antwortē/vñ ehe sie ausredē/wil ich sie erhōre. Nit dz der glawbe oder wir des wurdig sein/sondern das er seine vnauszprechliche gutte vud willige gnade ertzeyge/damit er vns reytze yhm zu glewbē/vñ trostlich allis guttis zu yhm vorsehē mit frōlichem vñ wancfēdem gewissen/das nit nach yhm tappe vñ vorsche. Also sihistu auch hie/das er dise aussetzige erhōret/ehe sie ruffen/vñ bereyt ist/ehe sie auszredē/zu thun/allis was yhr hertz begert. Seht hyn (spricht er) ich sage euch nichts zu/es ist weiter mit euch kōmen/denn das es zusagens bedurffe/habt was yhr gebeten hat/vñ geht hyn. Sind das nicht starcke reytzunge/die ein hertz frōlich vñ turstig machen kunnen? Sihe als denn fulet sich/vñ lest sich tappen sein gnade/ia sie tappet vnd trifft vns.

Wey wey glawbe
das vns xps vñ hant
falsch sein wey
vñ dem yhm

Darumb müssen wir nu hie das ander teyl dieses exempel des Christlichen wesens ansehen. Die aussetzigen haben vns lernet glewben/Christus lernet vns lieben/die liebe thut nu dem nehiste/wie sie sihet/das Christus vns than hat. wie er sagt Johā. 13. Ich hab euch ein exempel gebē/wie ich euch thu/das yhr auch einer dem andern thut/darin wirt yderman erkennen/das yhr meyne iunger seyt/so yhr euch vnternāder lieb habet. Item mein gepot ist das/das yhr euch liebt vnternander/wie ich euch geliebt habe. Was ist das anders gesagt/denn also viel/Ihr habt nw durch mich ym glawbē/allis was ich bin/vñ habe. Ich bin ewer eygen/yhr seyt nu reich vnd satt durch mich/den allis was ich thu vñ liebe/das thu vñ liebe ich nicht mir selb sondern nur euch/das ich nur denck/wie ich euch nutzlich

Wen man liebt



lich vnd hulfflich sey/vnd erfülle/was yhr bedurfft vnd
haben solt/darumb gedencet yhr dem exempel nach/
das yhr auch eyner dem andern thu/wie yhm von mir
gethan ist/vnd dencke nur/wie er seynem nehisten hyn
furt zu nutz lebe vnd thu was er sibet/das yhm nutz vñ
nodt sey. Ewer glawb hat an meynen liebe vnd gute
gnug/also sol ewer liebe auch den andern gnug gebē.
Sihe das ist eyn Christlich leben/vnd kurtz vorfasset/
darff nicht viel lere noch bucher/es steht gantz vñ gar
yn dysen zweyen. Also sagt auch S. Paulus Gal. vi.
Eyner trage des andern burden/so erfüllet yhr Chris
tus gepott. Vnd Philip. ij. Eyn yglicher habe acht/
nicht was seynis dings/sondern des andern ist/vnd
wie yhr steht yn Christo/also seydt auch gegenander
gesinnet/wilcher ob er wol Gott war/ist er dennoch
vnsrer knecht worden/vnd hat vns gedienet/bis yn den
todt ic. Disem Christlichen/leychtem/lustigem leben
ist der bösz geyst feynd/vñ thut yhm mit feynem ding
so grossen schaden/als mit menschen lere/wie wyr
hören werden. Den furwar eynem Christen ist kurtz
lich sein leben gesagt/nemlich das er eyn gutt hertz zu
Gott/vnd gutten willen habe zu den menschen/da
steht es gar ynnen. Das gut hertz vnd glawbe lernet
yhn von yhm selb/wie er betten sol. Ja was ist ein sol
cher glawbe/den eyttel gepet? Den er vorsihet sich gots
licher gnaden on vnterlass/vorsihet er sich aber yhr/so
begerd er yhr aus gantzem hertzen. Vnd das begern/
ist eygentlich das recht gepet/das Christus leret/vnd
got fodert/wilchs auch erwirbt vñ vormag alle ding.
Darüb das es nicht auff sich/seyne werck odder wir
dikeit/sondern auff Gottis lautere gute/bawet/vor
lest vnd tröstet/darumb geschicht yhm auch/wie es
gleubt/begerd/vorsihet vñ bittet. Das wol der heylig
E prophet

Christlich leben

prophet Zacharias. cap. xij. den geyst nennet / ein geyst
der gunst vnd gepets / da Got sagt. Ich wil außgiffen
vber das hawtz David / vnd vber die burger zu Hierus
salem / eynen geyst der gunst vnd gepets. Darumb
das der glawb / Gottis gunst erkennet / vnd begerdt
on vnterlasz.

*Die liebe leuchtet
vnter dem
Him*

Widderumb die liebe leret yhn / von yhm selber /
wie er gut werck thun sol / denn gutte werck sind allein
die dem nechsten dienen vnd gut sind. Ja was ist sol
che liebe anders denn eyttel wircken / on vnterlasz ges
gen dem nechsten / also das auch das werck der liebe na
men hat / wie der glawbe des gepettis. Also Johā. xv.
sagt. Das ist meyn gepot das yhr euch vnternander lie
bet / wie ich euch geliebt habe. Niemand kan grosser lieb
haben / denn der seyn leben gibt fur seyne freund. Als
solt er sagen. So gar hab ich alle werck euch zu gutte
than / das ich auch mein lebē fur euch gebe / wilchs die
aller grossist liebe (das ist) das grossist werck der lie
be ist / het ich grosser lieb gewist / ich wolt sie euch auch
than haben / darumb solt yhr auch lieben / vnd eyner
dem andern allis gut thun. Nicht mehr fodder ich vō
euch. Sage nicht das yhr mit kirchen bawen / wallen /
fasten / singen / mūnch disen odder den standt anneh
men solt / sondern do thut yhr meynē willen vñ dienst /
wenn yhr euch vnternander wol thut / vnd niemandt
auff sich selb / sondern auff den andern acht hab / da
ligts gar vñ allis ynnen. Vnd er nennet die freund / da
mit wil er nicht / das man die feyndt nicht lieb sol ha
ben / denn er spricht klerlich also. Der seyn leben gibt
fur seyne freund. Seyne freund / ist mehr denn schlecht
freund. Es mag kōmen / das du meyn freund seyest /
vnd dennoch nicht ich deyn freundt / das ist / ich mag
dich lieben / vnd fur eynen freund auffnehmen / meyne
freundschaft

*Nicht fodder
die liebe vnd
lichte anders*

freundschaftt dyr geben/vñ du dennoch mlschhaffst/
vñ feynd bleybist. Bleych wie Christus zu Juda sagt
ym garten. Freund/wo zu bistu kōmen? Judas war
seyn freund/aber Christus war Judas feynd/denn
Judas hielt yhn fur seynen feynd/vnd hast yhn/Chri-
stus liebet Judam/vñnd hielt yhn fur seynen freundt.
Es musz eyn frey rundte liebe vnd wolthat sein gegen
yderman. Sihe das meynet S. Jacob. Jaco. ij. Der
glawbe so er nicht wirckt/ist er todt. Vñ wie der leyb
on seel todt ist/szo ist auch der glawb on werck todt.
Nicht das der glawbe ym menschen sey/vñ nicht wir-
cke/wilchs nicht muglich ist/denn der glawb ist eyn
lebendig/vnrugig ding/sondern das sich die mensche
nicht selb betriegen/vñ meynen/sie habē den glawbē/
so sie doch nichts dauon haben/sondern sollen ansehē
yhr werck/ob sie auch yhren nechsten liebē/vñ yhm wol-
thun. Thun sie das/so ist es eyn zeychen/das sie disen
rechtē glawbē haben. Thun sie aber dz nit/so haben sie
nur das gehōre vom glawbē. Vñ geschicht yhn/wie dē
der sich ym spiegel besihet/wener dauon geht/so sihet
er sich nymer/vnd durch ansehen ander ding/vorgisset
er des spigels gesicht/ als auch Jaco. i. geschriebē ster.

Dissen spruch Jacobi haben die vorfurer vnd blin-
den meyster so weyt getzogen/bys das sie den glauben
vortilget/vnd nur die werck auffgericht haben/als ste-
he die gerechtickeit vñnd selickeit nicht ym glawben/
sondern yn den wercken. Zu der grossen finsternis has-
ben sie darnach noch ein grossere than/vñ nur die guts-
te werck geleret/die dem nechsten keyn nutz sind/als
fasten/viel gepet sprechen/feyren/nicht fleysch/putter/
eyer/milch essen/kirchē/klōstern/capeln/altar bawē/
mess/vigiliē/horas stifftē/graw/weysz/schwartz kley-
der tragē/geystlich werden/vñ der vntzehlich gleychē/
E ij dauon

*werck dy dem nutz-
ten nicht nutz sein*

Hey so lie er
Ym den Glaub

danon doch keyn mēsch nutz noch genieß hat/wilch
auch Got alle vordampt/vñ billich. | Aber S. Jaco-
bus wil das/sintemal ein Christlich leben ist nichts
deñ glawbe vñ liebe. Liebe ist nichts denn eyttel wol
thun vnd nutz seyn allen menschen/feynden vñ freun-
den. Vnd wo der glawb recht ist/so liebet er auch ge-
wislich/vnd thut denn andern yn der liebe/wie yhm
Christus than hat ym seynem glauben. So sol nu ein
yglicher sich furschen/das er nicht eynen trawm vnd
geticht an stat des glawbens ym hertze habe/vnd sich
selber betriege/das wirt er bey keynem ding als woll
erkennen/als bey den wercken der liebe. Wie auch
Christus dasselb zeychen gibt vñ spricht. Da bey kan
man wissen/das yhr mein iunger seyt/so yhr euch vñ
ternander liebt. Darumb wil S. Jacob sagen/Sihe
fur dich/steht deyn leben nicht also/das es andern
diene/vnd du fur dich selbs lebest/nympt dich deynis
nehisten nicht an/so ist deyn glawbe gewislich nichts/
denn er thut nicht/wie yhm Christus than hat. Ja er
glawbt nicht das yhm Christus wol than hat/sonst
liesz ers nicht/er thet seynem nehisten auch wol. Item
das wil auch S. Paulus. i. Corint. xiiij. Wen ich ein
solchen glawben hette / das ich die berge vorsetzen
mocht/vnd hette nicht liebe/byn ich nichts. Das ist
auch allis gesagt/nicht das der glawbe nicht genug-
sam sey frum zu machen/sondern/das ein Christlich
leben die zwey / glawb vnd liebe/muss aneinander
knupffen/vnd nicht scheyden/wie sie sich deñ auch nas-
türlich an eynander knupffen/vnd nymmer scheyden.
Aber die vormessene meynen sie zu scheyden/wollen
allein glewben/vñ nicht lieben/vorachte yhm nehistē/
vnd wollen dennoch Christum haben/das ist falsch/
vnd wirt feylen. Also sagen wir auch/Der glawbe ist
alle

ding/vnd macht selig das der mensch nichts mehr be-
darff/zu seyner selickeit. Aber er ist darumb nicht mu-
ssig/sondern thut viel/doch das allis seynem negsten
zu gut/vñ nicht yhm selbs/denner bedarffs nicht/hat
gnug an Christo. Thut er aber nicht also/so ist er ge-
wisslich nicht recht/vnd solchs sein wircken ist sein lie-
ben. Aber die blinden leytter/wollen die werck also le-
ren/vnd nottig machen/das yhr der wircker bedarffe
zur selickeit/das die heubt vorckerung vñ yrthum aller
yrthum ist/den damit vorstören sie beyde glawben vñ
liebe/das gantz Christlich wesen vñ exempel. Sie ne-
men die werck vñ dem nehsten/vnd geben sie der per-
son selbs/als die da yhm not seyn/da kan der glawb
nicht bleybē/der da weysz/das seyne werck nicht yhm
selb/sondern nur dem nehsten nott vnd nutz sind. Al-
so sind sie widderinander/der glawb wirfft die werck
vñ sich auff seinen nehsten/durch die liebe. So reysen
sie die blinden meyster von dem nehsten/vnd treyben
sie auff die eygen person/ersticken vñ vordempffen also
beyde liebe vnd glawbē/machen das der mensch nur
sich selb lieb gewynnet/vnd nur sein selickeit suche/vñ
auff seyn werck sich vorlasse/da müssen denn folgen/
bösz blöde gewissen/vñ viele eygen erlesen angst werck/
von kirchen bawen/viel beten/den heyligen fasten/vñ
der gleychen/die niemant nutz sind/vnd alle iamer vñ
unglück musz hie folgen/wie denn ytzt ym Klöstern/
stifften/hohen schulen fur augen ist.

Nu last vns sehen die werck der liebe Christi/ym
dissem exempel. Aber was ist ym Christo/das nicht
eyttel liebe sey? wie yderman von yhm selbs leychtlich
erkennet. Zum ersten/was bedurfft er/das er mitten
durch Samariam vnd Hallileam reysset/odder wer
gab yhm etwas drum? odder wer hatte yhn drum
E iij erbetten/

erbetten / das ers thet? Ists nicht offenbar / das ers al
les vmbsonst / frey willig thut? nympt nichts da fur /
vñ kompt vō yhm selber / vnersucht / das niemāt darff
sagē / er hats vmb yhn vordienet / oder mit bitt erwor
ben. Also gantz vñ gar sehē wir hie / das er nichts thut
fur sich selb / vñ vmb seynen willen / sondern allis vmb
der andern willen / dartzu vnerbetten / vnd lauter vmb
sonst aus blosser gutte vnd liebe. Desselben gleychen /
das er so eben yn disz stettle ging / was durfft er seyn?
wer hat yhn drüb gepettē? wer gab yhm etwas drüb?
Ists nicht war? er kompt zuuor aller vordienst / aller
gepet / vñ erbeut seyne liebe vñ gutte frey vmbsonst / vñ
sucht nichts darvn / das sein sey / sondern dienet nur an
dern damit / auff das er zu sich locke alle hertze yn yhn
zu glawbē. Sihe ein solche tugent ist die liebe / die nur
wolthut / vnd lebet den andern zu gut / sucht nichts ey
gens drynnen / thuts vmbsonst vnd vnuordient / vñnd
kompt yderman zuuor. Sihe auff solch lebē vñ werck
mustu sehen / vñ deyn leben richten / wiltu ein Christē
seyn / vñ alle werck mit gewalt aus deynē augen thun /
die diser art nicht sind / wen sie gleych so gros weren /
das sie berge vorsetzten / als der Apostel sagt.

Zum andern. Sihe / wie er solch gut thut / on der ans
dern schaden / ia mit vorhütung eyns ander schadens.
Den es sind etliche die thun also gut / das den andern
zu schadē kompt / opffern vnser frawē (wie man sagt)
ein pfennig / vñ rauben yhr ein pferdt. Als da sind die
von vnrechtem gut / almosen geben. Davon Got sagt
Isa. lxi. Ich byn ein Got / der das recht liebet / vñnd
hasset den raub zum opffer. Eins solchē wesens / sind
itzt fast alle stift vñ klöster / die vortzerē d leut schweisz
vnd blut / vnd betzalen darnach Got mit messen / vigi
lien / rosenkrentzen / odder stifften eyn iar tag / geben zu

Man soll nicht durch sein das vñnd erben Schaden weyleit
das in 1. 1. 1.

weylē auch ein almosen / das ist / allis vom frembden
gut gellebt / vñ Got gedienet / yn gutten tagen / vñ vol-
len reychtum / mit aller genüge. Vnd ist wol ein weyts
leufftige plage / ditz schedlich woltun. Aber Christus
hie thut niemant schaden / sondern viel mehr vorhüttet
yhn / vnd weyset die aussetzigen zu den priestern / auff
das den selbigen nichts abbrochen werde / an yhren
recht. Vnd also zeygt er seyn gut that den aussetzigen /
als seyer vmb yhren willen ynn das stettle gangen / si-
het sie gnediglichen an / vnd hilfft yhn williglich vnd
gern / daruber vorhüttet er auch der priester nachteyl /
vnd wie wol er der selbigen nicht schuldig war / denn
die weyl er sie vbirnaturalich reynigete / on der priester
zu thun / hett er wol mocht sie nicht zu yhn weyssen / vñ
sagen. Habt yhr doch mit dissen nicht ewr ampt ges-
übt / nach dem gesetz / drum solt yhr auch des ampts
geniesz nicht haben / wie billich vnd recht ist. Aber die
liebe rechtet noch fechtet nicht / sie ist nur darumb da /
das sie woll thun will / darumb thutt sie auch mehr /
denn sie schuldig ist / vnd feret vbir das recht. **Do her**
spricht Sanct Paulus. i. Corin. vi. das bey den Chri-
sten solle keyn richts handel sein / sintemal die liebe
yhr recht nicht sucht / noch foddert / noch achtet / vnd
nur auff wolthun sibet. Das wol S. Paulus sagt. i.
Corin. xiiij. Wen ich mit Engel zungē redet / vñ nicht
liebe hette / so were ich wie ein schelle oder glocke / die
nur klinget / vñ doch nichts thut. Also sind warlich ytz
die gelerten / die viel leren ym recht / das doch eyttel vñ
christlich ding ist / wider die liebe. Nicht sage ich vō des
nen / die darichtē müssen / den die weyl recht fur liebe
geht / bey etlichen vnchristlichē mensche / müssen sie da
sein vñ recht sprechē / das nit ergers geschehe. Es ist nit
christlich henckē vñ redern / aber das man dē mōrdern
were /

*Kay nichts Gann
sol bey den Crist
" seij*

*Gangen vnd
reden / vñ nicht
rißten vñ*

were/mus man solchs auch thun/es ist nit Christlich
essen vñ trinckē/aber dennoch mus man es auch thun.
Es sind allis nottige werck/da nicht das Christlich
wesen ynnen geht/darumb mus man sich auch nicht
dar an benügen lassen/als sey man damit Christen/
Welich werck ist auch nicht Christlich/noch ist's den
noch von nōtten/vmb böser zu meyden/so fort an.

*Aus bei den in
den alten vñ
gott sey lide*

*Wenn die das
in werten vñ
nicht stamden*

Zum dritten/tzeygt er die liebe noch grosser/das er
sie auch anlegt/da sie vorloren ist/vnd vndanck vordie-
net das mehzer teyl/zehen aussetzige macht er reyn/vñ
nur eyner danckt yhm. An den newnen ist seyn liebe
vorloren/hett er hie wollen recht fur liebe brauchen/
wie die menschen pflegen/vnd die natur leret/so het er
sie alle sampt widderumb aussetzig gemacht. Aber er
lesset sie faren/vnd brauchen seynere liebe vñ wolthat/
ob sie wol yhm feyndschafft fur danck geben. Dessel-
ben gleychen/den priestern hat er yhr genieß nicht vor-
hyndert/hat yhn yhr ehre vnd recht/wie wol on nott
vnd schult/heym geschickt/szo dancken sie yhm also/
vnd wenden von yhm die aussetzigen/das sie glewbē/
Christus habe sie nicht reyn gemacht/szondern das
opffer vnd gehorsam des gesetzts/vñ vorstörn also den
glawben ynn den aussetzigen/vnd machen Christum
vorachtet vñ vngenehm bey yhn/als der sich eyns
frembden guts annehm/denn das die priester haben
disze aussetzige vorkeret/ist glewblich/vnd der Text
wirts auch geben/darumb müssen sie gar viel bösz
wort widder Christum/dissen aussetzigen eyngelien-
wet haben/vnd die werck des gesetzts vnd opffer hoch
erhaben/auff das sie den grossen feynen glawben yñ
yhn vortilgeten/vñ sich selb an Christus statt setzten/
ynn yhr hertz. Vnd die aussetzigen haben solchs auff-
genommen/vnd Christum gehalten/wie die priester
von yhm

von yhm geplaudert/ das sie yhm gar feynd worden
sind/ vnd yhr reynigung Got zu geschriebē/ durch yhr
opffer vnd vordienst erlanget/ nicht Christo vñ seyner
lauttern gutte. Vnd also sind sie leyplich vom aussatz
erloset/ vñ drob gefallen vmb geystlichen aussatz/ der
tausent mall erger ist. Aber Christus lessit beyde teyll
gehn/ vñ seyner gutte genieessen/ schweygt seynis rech-
ten/ nympt hasz vnd vngunst fur lob vnd danck/ das
man wol hie neben müge lernen/ wie wyr zu weylen
bitten/ das besser were es wurd vns nicht gebē. Disen
aussetzigen were besser gewesen/ das sie vnrein blieben
weren/ denn das sie durch yhre leypliche reynickheit kö-
men zu solcher grosser geystlicher vnreynickeyt.

Sihe nu auff das exempel/ reytze nu deyn lebē/ das
du deyne gutte werck nicht alleyn on schaden der an-
dern/ ia auch mit forteyl/ auch nicht alleyn de freunde
vnd frumen thuest/ sondern erwegist dich/ das sie das
mehrten teyl vorlorn werden/ vnd du vnd anck vnd hasz
zu lohn empfabist/ szo gehistu ynn dem rechten wege
vnd fust auff deynis herren Christi/ bis das du hie
her kommist/ soltu dich fur keynen volkomen rechten
Christen halten/ vnd nicht achten ob du zehen hēren
hembd tregist/ alle tag fastist/ alle tag mesz haltist/ vñ
psalter bettist/ wallen leuffist/ kirchē oder iar tag stift-
tist/ denn Christus wurd woll solch werck auch than
haben/ wen sie die rechtschuldigē waren. Nun sihestu
aber wo seyne werck sich hyn richten/ darūb habe auch
acht drauff mit gantzem vleysz/ vnd sihe deyn eygen les-
ben recht an/ findestu an dyr eyn werck das du darffist
odder meynist/ du durffist sein zur selickeit/ da tritt mit
fussen auff/ da segen dich fur/ als fur allen teuffeln/ vñ
ruhe nicht/ bis das du aus solchē wesen odder werck
kōmst/ vñ strebe darnach/ das deyn lebē/ ia nicht dyr
sondern

Wahr/ John am
Am gurb vñ
dy es vns
damit wissen

Wach wach
zum seligsten
mich sey

Sondern alleyn deynem nehisten nott/nutz/vnd dienst-
lich sey. Vormaldeyest sey/der yhm selb lebet vnd wir-
cket/szo Christus selb/nicht hat wollen seynen willen
thun/noch yhm selb leben/denn gewisslich furen dich
solch eygen werck von der liebe vnd von dem glawbe.
Du hast keyn ander werck/das fur dich nott vnd nutz
sey zur selickeit/denn das du glawbist/vnd den selbi-
gen glauben teglich vbist/vnd zusehst/das du bestens
dig drynnen bleybist/vn dich die priester nicht dauon
reyssen lassist/wie sie disse newne haben abgerysen/
den sie haben glatte zungen vn hubsche farbe. Die an-
dern werck alle/lasz nur frey gehen vnter den hauffen/
sie werden vorlom/odder wol angelegt/das lasz dich
nicht anfechten/bleybe du ym glauben/der dir Chris-
tum gibt/da hastu viel mal gnug an/vnd yn der liebe
die dich dem nehisten gibt/da wirstu zuthun gnug fin-
den/das deyn viel mal zu wenig seyn wirt/denn was
du hiruber thuist/das ist nichts/wenn du gleych aller
heyligen werck hettist. Hore was S. Paulus sagt. i.
Corint. xiiij. Wenn ich alle meyn gut gebe zur speysze
der armen/vnd gebe meynen leyb das ich brennde/szo
ich nicht die liebe habe/ist myrsz keyn nutz. Es wil nit
gnug seyn den armē helffen vn dich martern/den feyn-
den mustu auch liebe ertzeygen/vn deyn gutter mit dyr
selbs ym die rapbunē werffen/nicht erwelen wem du
gut thuist/fur eynem andern.

Wusst du das
Herr / frunde
Xpo selb war
"folgt"

Die mochstu sagē. Ey wo wollen den die geystlich
bleyben/pfaffen/munch vn Nonnen? Sind die doch
keynen menschen nutz/vn thun nur eyttel eygen werck.
Antwort ich. Was fragstu nach pfaffen vn munchē?
Dat dich doch Christus nicht pfaffen vnd munchen/
sondern yhm selb heysen nachfolgen. Thun sie yhr
werck nicht nach vorgesagter meynug/das eins dē an-
dern



derndiene/vñ am glaubenhange/darffstu nicht zwey-
ffeln/sie sind widder Christum/vñ eben die törichten
iunckfrawen mit den leren finstern lampen. Es wirt
vmb yhren willen keyn ander Christuskömē. Davon
hat S. Petrus verkündigt. ij. Pet. ij. Es werden fal-
sche meyster vnter euch sein/die werden auff bringen
vorderbliche secten/das ist/geystlich orden vñ stende/
darinnē die seelen nur vordampt werdē. Vñ. S. Paul.
ij. Thessa. ij. die weyle sie die liebe der warheyt nicht
haben angenōmen/wirt yhn Got zu fugen/kressstigen
yrthum/auff das sie glauben an die lügen/die da nit
wolten glaubē der warheit/sondern vorwilligeten der
vnrechtickeyt. In dissen Worten sind die geystlichen or-
den vnd stende verkündigt was sie sein/vnd wo sie her
kōmen. Den sie gebē fur etwas sonders zu seyn fur ans-
dern stenden ym Christlichen leben/vnd sind weytter
davon/denn keyn ander stande/das sie mehr bedurs-
ffen/wie man sie zu Christlichem wesen bringe/denn
keyn leut auff erdē. Der Eheliche stand vñ vbirkeit ist
feyn geordnet/den da ist weyb vñ kind vnterhan/die
da vben vñ vrsach geben der liebe/vñ gleich zwingen/
das du dyr selber nicht must lebē vñ wircken/sondern
must eyttel frembd werck thun/andern zu gutte/wenn
du nur den glaubē erkennist/vnd dich recht drey n schis-
ckist/so hastu da keyn eygē werck/vñ so viel zu schaffen/
das du der eygē werck wol must vorgessen/den das du
fastist/erbeytest/issist/trinckist/schleffist/eyn weyb
nymphst/kurtzlich alles was du zur leybs vñ guts not-
turfft thuest/ist allis dahyn gericht/dz du hie lebē müs-
gigt vñ den leyb erhalten/aber darüb erhalten/das du
nur andern dienē mügigt. Sihe das ist eygentlichē eyn
Christen leben. Darumb spricht S. Paulus Gal. v.
Ihr seyd nichts schuldig/den das yhr euch vnternāder
if ij. liebt/

*Alle werck vñ stund
Jesu da bin geinigt
werden das wir
sein müg sein an*

liebt/vnd ynn der liebe eyner dem andern dienen. Dar
aus magstu erkennen/wie ytzt alle welt vol geystlicher
stend (das ist hell gruben vnd mord gruben) ist/aber
Christlich leben kennet niemant mehr/schweyg denn
das man des eyn exempel findē solt. Das ist alles des
Papsts vnd seynes vorfluchten gesetzs schult/den vns
Gottis zorn zu eynem meyster geben hat/wie S. Pe-
ter vnd Paulus verkündigt haben. Das sey gnug von
dem ersten stuck des Euangelij gesagt/nu wollen wyr
das ander teyl sehen.

**Vnd ist geschehen: da sie sind
gangen/sind sie reyn worden.**

Bissher haben wyr gelernet/wie der glaub wirckt/
was sein natur ist/wo er hercome/was sein anfang
sey/was er bringe/vñ wie angenehm er fur Got sey/
das ist noch alles vom anheben eyns Christliche we-
sens gesagt. Nu ist nicht gnug anheben/sondern zus-
nehmen/vnd bestendig bleyben. Denn Christus sagt
Mat. xxiii. Wer do bestendig bleybt bis ans ende/
der wirt selig. Item wer sein hand an dē pflug legt/vñ
sibet widder hyndersich/der ist nicht eben dem reych
Gottis. Darüb leret nu diß ander teyl von dem zuneh-
men vnd volkomen des glaubens. Es ist gar eyn zart
vnleydlich ding vmb den glauben/odder zuvorsicht
des hertze zu got/vñ mag gar leicht vorsehret werdē/
das es an fabe zu zappeln vñ wackē/wo es nicht fast
geübt vnd gewonet ist. Auch so hat es vntzehlich an-
stoß vnd ferlickeit/von den sunden/vō der natur/von
der vornunfft vnd eygen dunckel/von den menschen les-
ren/von den exempeln der heyligen/von den teuffeln/
kurtzlich hynden vnd fornen/vnd auff allen seyten/
wirt es an vnterlaß angefochten/das es zagen vñ
wackē/

*Man muss zum Glauben
bestendig bleiben*

*Der Glaub hat viel vnterschiede
und ansehung*



wancken/odder auff die werck fallen sol. Das woll
S. Petrus sagt. Der gerecht wirt kumme selig. Vnd
der prophet Zacharias vogleicht den gerechtē eynem
brand/der aus dem feur erredtet wirt/das er nit gar
vorprenne. vñ der prophet Amos/einem orlippen vom
schaff/das der hyrt aus des wolffs rachen eriagt. So
feindlich reysen sich die anfechtung vmb ein solchis
glewbigs hertz. Daher auch S. Paulus sagt zu den
Corinthern. Wer da stehet/der sehe das er nicht fal
le. Vñ leret an allen orten/wie wir mit sorgen vñ forcht
wandeln sollen/des glawbēs yhe wol war nehmen/
denn wie er sagt/wir tragen solchen schatz/vn yrdenis
chem gefesz/das gar leycht zubrochen wirt/wo vns
nicht Got erhalt. Darüb müssen wir nicht sicher sein/
sondern yn Gottis furcht stehen/vñ betten mit Hies
remia/das er vns den glawben behütte/vñ lasz nicht
kōmen dahyn/das wyr an yhm sagen/vñ fur yhm er
schrecken. Auch weyset ditz Euāgelium gnugsam disse
fahr/mit einem schrecklichem exempel/das vnter dis
sen zehen glewbigen aussetzigen/newne abfallen/vñ
nur eyner ans ende/besteht vñd bleybt. Vnd gehet
hie zu/wie mit eynem schönen bawm/der voller blüet
stehet/das man meynet/er werd die frucht nicht alle
ertragen/aber darnach durch vngewitter/also viel
blüet vortirbt/frucht abfelt/wormstichig wirt/das
kaum das zehende teyl reyff wirt. Also sind yhr viel/
die das wort auffnehmē/vñ fahen an zu glawbē. Aber
wie der herz sagt/Es ist steynich acker/vñ haben nicht
fast gnug/oder stehen vnter den dornen vñ disteln/das
ist/durch anfechtüg vñ reytzung fallen sie abe/vñ bley
ben nicht bestendig. Den so bald es yhn vbel geht/ods
der Got sie angreyfft/vorgessen sie seyner gutte/sehen
nur auff seynē zorn/dauon geht den der glawb vnter/
If iij vnd

*Vil ufman
den glawben an
ab vñ vñd
den bestendig*

vnd bleybt ein zappelend / vnd vortzagt / erschreckt ge-
wissen / das fur Got fleucht / schweyg den das es yhm
solt entgegen lauffen / wie es ym anfang thet.

Also sehen wir hie / da die aussetzigen hatten ange-
fangen zu glauben / vnd sich guts vorsehen zu Christo /
treibe er yhren glaubē weyter / vñ vrsucht yhn / macht
sie nicht zu sehens gesund / sondern sagt yhn ein wort /
sie sollen sich den priestern zeygē. Wo hie nicht glaw-
be were gewesen yn yhenen / so het die vornunfft vnd
natur dunckel also gesagt / vnd bald gemurret. Was
ist das ? wir haben vns grosser gutte zu yhm vorsehen /
vñ hertzlich an yhn glaubt / er wurd vns helffen / aber
nun ruret er vns nicht an / wie er pflegt / vñ than hat dē
andern / sondern sibet vns nur an / vnd geht damit fur
yber dahyn / er voracht vñ vñ / dazzu sagt er wid-
der abe noch zu / ob er vns wolle reynigen odder nicht /
sondern lest vns ym zweyffel hangen / vñ spricht nicht
mehr / den / wir sollen vns den priestern zeygen ? Was
sollen wyr vns yhn zeygen ? sie wissen zuuor woll das
wir aussetzig sind. Sihe also wurde die natur zornig
vñ leunisch auff yhn / das er nicht so bald thut / was sie
wolt / vñ sagt yhr nicht gewisslich zu / was er thun wolt.
Aber hie ist glawbe / der sterckt sich / vñ nympt nur
mehr zu / durch solch vrsuchē / achtet nicht / wie vnge-
nedig oder vngewisz die geperde vñ wort Christi laut-
ten / sondern haften fest an seyner gutte / lassen sich nit
abschrecken. Vñ furwar / es ist eyn grosser reycher
glawbe yn yhn gewesen / das sie auff solchs wort sind
frey hyn gangen / den wo sie zweiffelt hetten / weren sie
gewisslich nicht gangen / vnd ist doch keyn klare zusa-
gunge da. Vñ das ist auch die weyse / die Got braucht
ynn vns allen den glawben zu stercken vñ probirn /
dz er also mit vns feret / das wir nicht wissen / wie ers
mit

mit vns machen wil/wilchs er nur darumb thut/das
der mensch sol sich selb yhm befehlen/vnd ergeben auff
seyne bloße gutte/nicht zweyffeln/er werde das gebē/
das wir begeren/odder ein bessers. Also haben diese
aussetzige auch gedacht/Wolan wir gehen dahyn/
wie er vns gepeut/vnd wie wol er vns nicht sagt/ob er
vns woll reynigen odder nicht/sol vns dasselbe doch
nicht bewegen/das wir weniger vō yhm halten denn
vorhyn. Ja wir wollē nu deste mehr vñ stercker vō yhm
haltē/vñ des frölich wartten/das/so er vns nicht wil
reyn machē/so wirt ers doch besser machē/den dz wir
reyn weren/wollen sein gutte darüb nicht farē lassen.
Sihe das ist ein recht zunehmen ym glaubē. Solchs
versuchē weret weyl wir lebē/drumb muß das zuneh-
men auch so lange werē/denn wo er vns ein mal vers-
ucht yn eynē stuck/darinnen er vns ungewiß macht/
wie ers mit vns machē wil/so nympt er darnach ymer
ein anders/vñ ymer fur vñ fur vnser glaubē vñ trawen
grossert/so wir anders nur fest bleybē hangen durch
vñ durch. Sihe das wesen nēnet S. Petrus wachsen
yn Christo/da er sagt. i. Pet. ij. wie die ytzt geporne
Kinde/solt yhr die vornüfftige vnuorfelschte milch su-
chen/das yhr da durch wachset/bis yhr selig werdet.
Itē. ij. Pet. vlt. Wachset in der gnade vñ erkētnis Jes-
su Christi. Vñ. S. Paulus an allē ortern begert/das
wir zunehmen/bleybē/vol vñ reych werden/in der er-
kētnis Gottis vñ Ihesu Christi. Das ist nit anders
den auff dise weyse starck werdē ym glaubē/wen Got
seyne gutte vorpirget/vnd sich stellet/wie hie Christus
gegē den aussetzigen sich stellet/das wir nicht wissen/
wie wir mit yhm dran sein/den der glaub sol sein Ar-
gumentū nō apparentium/ein angebe oder begriff der
ding die vorporigen sind/vnd nicht entpfundē werden.
Darumb

Darumb sihe hie zu/wenn Got scheynet am ferni-
sten sein/so ist er am nechisten. Ditz wort Christi laut-
tet/das man nicht wissen mag/was er thun wil/vnd
sagt nichts abe noch zu/das die aussetzigen die zuuor
sich gewiszlich seyner gutte aller ding vorsehen hatten/
mochte sich dran gestossen haben/vn yn zweyffel gefal-
len seyn/vn gar viel cynen andern vorstand draus em-
pfahen/denn Christus meynet. Christus redet es aus
so vbirflussiger gutte/das er meynet/es sey nicht nott
yhn zu sagen/sie haben schon erlangt/was sie wollen.
Nu aber die meynung yhn nicht offinbar war/moch-
ten sie dencken/er were gar viel anderer meynung/vn
ferner von yhn/denn zuuor. Also sind alle seyner vber-
schwenclicher gutte/werck vn wort/das vns dunckt/
er sey zuuor guttiger vnd gnediger gewesen/denn her-
nach da er angefangen mit vns zu thun. Also geschach
dem volck vō Israel yn der wüsten auch/das sie meyn-
ten/Got het sie nicht aus Egypten furet/den sie doch
yn Egypten anriefften/vn erkanten das er yhn heraus
helffen wolt/aber es geschicht alles darumb/das wir
nicht ym weichen anfang vnd milch glauben bleyben/
sondern wachsen vn ymer zunehmē/bis das wyrauch
den starcken weyn trincken mügen/vnd also truncken
werden vn voll geystis/das wir nicht alleyn gut/ehre
vnd freund/sondern auch den todt vnd die helle vors-
achten vn vbirwinden. Darumb geschicht den traw-
losen vn vnglewbigen/gleich wie den vnseligen funds-
grübern die mit grosser zuvorsicht anfahen zu suchen/
vn grabē viel/aber wen sie schier auff dē schatz kōmen
sind/das noch vmb ein kleynis zuthun were/lassen sie
abe sehen an wie viel sie biszher vmbsonst geerbeyt/vn
dencken es sey nichts furhanden. So kompt denn ein
ander/der seyn würdig ist/der noch nie angefangē hat/
schlecht

schlecht dreyn/vnd findet was yhener yhm furgesucht
vnd ergraben hatt. Also ist mit der gottis gnaden
auch/wer anfehbet zu glawben/vnd wil nicht ymer zu
nehmen vnd wachssen/dem wirt sie genommen/vnd
eynem andern geben/der damit anfehbet/wil der selb
auch nicht fort faren/wirt sie yhm auch genomen/vñ
eynem andern geben/es wil nur geglawbet seyn. Vnd
alhie reden vnser hohen schulen gar blind/tol/gifftig
ding vom glawben/da sie leren/es sey genug zur seligs
keyt/der anfang des glawbens/vnd nur eyn kleyner
grad odder stuck dauon.

Vnd ist geschehen: da sie giengen:
sind sie reyn worden.

Das ist also viel gesagt. Es ist vnmuglich/das der
glawbe feylen solt/sondern es mus geschehen wie er
glawbt. Denn hetten dise aussetzigen nicht glawbt/
vñ weren nicht bestendig blyben/so weren sie freylich
nicht gangen. Darumb nicht vmb yhrs gehens willē
sondern vmb des glawbens willen sind sie reyn wor
den/vmb wilchs willē sie auch sind gangē. Das sach
ich darumb/das nicht etwa eyn blinder meyster vber
disen text kome/der seyn augen ynn das werck stecke/
vnd sehe nicht an den glawben/gebe darnach fur/die
werck machen vns angenehm vnd selig/die weyl dise
aussetzigen sind gangen/vnd also gereynigt worden.
Wilchem yrthum zu begegen ist/das man differ aus
setzigen glauben recht ansehe/so findt sichs das nicht
das werck dises gangs/habe die reynigung erworben
sondern der glawe. Auch so begegenet der herre dem
selbigen yrthum damit/das er sie reyniget eh: sie das
werck volbrachtē/denn er hies sie nicht alleyn gehen
sondern sich auch erzeygen den priestern. Nu sind sie

B yhe

*Musste vmbs d'herren
willen, nicht vmb
ausgang willen/sey sy
genug d'herren*

yhereyn worden / ehe sie zu den priestern komen sind /
vnd ehe sie das werck volbracht haben. Werē sie als
lererst reyn worden / nach dem sie kommen / vnd das
opffer brachten / hetten die priester eynen scheyn fur zu
wenden gehabt / das sie durchs opffer vñ werck weren
rein worden / wie sie doch thetten vnd verfurten die ar
men leut. Auch so ist nu viel mal gesagt / das zweyerley
werck sind / Etlich fur vnd on den glawben / etlich aus
vnd nach dem glawben / denn so wenig als die natur
auffer dem glawben / mag mussig vnd wercklos seyn /
so viel weniger mag der glawbe auch mussig seyn. Vñ
wie die naturlichen werck / nicht machen noch zuuor
komen der natur / sondern die natur mus zuuor seyn /
vnd die werck aus yhr vnd von yhr machen. Also auch
die glewbigen werck machen nicht den glawben / son
dern sie folgen vnd werden vom glawben gemacht.
Darumb müssen yhe werck da sein / aber sie verdienen
noch seligen nicht / sondern alle selickeit vnd verdienst
mus zuuor da seyn ym glawben. Daher kompts auch
das des glawben werck frey / vnd nicht erlesen werck
sind. Denn dise aussetzigen stunden also frey / das wo
sie Christus hett heysen eyn anders thun / hetten sie es
auch than. Vnd wo man sie hett gefragt / ob sie dara
umb hyn giengen / das sie wolten reyn werden / hetten
sie neyn gesagt / wilchs doch seyn must / wenn vmb des
wercks willen die reynigung geschehen were. Gleych
als wenn du die werck heyligen fragist / ob sie darumb
wircken / das sie selig werden / sprechen sie / Ja / vnd on
die werck mochten sie nicht selig werden. Aber disse
aussetzigen werden nicht so sagen / sondern sie hoffen /
er werd sie reyn machen aus lautter gütte / Vnangeses
hen dises ganges werck / wilchs sie nur yhm zu willen
thun / das er dem gesetz gnug thue / wie wol on nodt /
Denn

Denn es mochten alle aussetzigen auch also hyn gehen zu den priestern / vñ wurden dennoch darumb nicht reyn / wilchs doch seyn must / wo das werck nodt vnd nutz were zu der reynigung. Gleych wie die werck heyligen achten / das wer do wirckt / der werd selig / also must es auch hie seyn / wer do geht / der wirt rein. Nu aber / wie die reynigung lautter vmbß glawbens willen geschicht / also auch die selickeit lautter vmbß des glawben willen komet. Doch wie die aussetzigen nicht vmb yher willen / sondern vmb der priester willen müssen gehen / das den selben auch gnug geschehe / wie wol sie es nicht schuldig warē. Also alle glawbigen müssen wircken nicht vmb yhren willen / sondern vmb der andern willen / das sie den selben dienen / wie woll sie yhn nichts schuldig seyn / sondern frey wol thun wie vns Christus than hat / dauon droben gesagt ist gnugsam ym ersten teyl.

EYNER aber vnter yhn: da er sah: das er war reyn worden / ist widderumb gangen / hatt mit grosser stym Gott erhaben / vnd fiel auff seyn angesicht zu seynen fussen / vnd danckt yhm.

Ditz widderkomen mus geschehen seyn / nach dem er sich den priestern hat ertzeygt mit den andern. Vnd der Euāgelist schweygt / wie sie zu den priestern komen sind / vñ was da geschehen sey. Aber aus des eynigen widerkomen vñ danckparkeit / gibt er zuuerstehen wie es ergangen sey. Er ist on allen zweyffell / gar vngern alleine widerkomen / denn die weyl er aus so gantzen hertzen Christo danckt vnd holt ist / lest sichs nicht anders dencken / denn wie er wirt bey den andern gehalten / vermanet / getrieben / gebeten / vnd sich auffseuserst bemühet haben / das sie mit yhm giengen / vnd

H ij solche

solche grosse wolthat erkennen / wirt yhm auch weh
than haben / das er sie nicht hat mügen bewegen / wirt
mit weynen vnd vnmut von yhn gangen seyn. Solchs
alles vnd des gleychen zwingt vns zu dencken / die lie-
be die er hatte zu Christo / die lest nichts vnvorsucht /
furcht niemandt / sihet auch niemandt an / das sie nur
Christum würdiglich ehre vnd lob. Was mag denn
hie fur eyn wetter komen seyn / das dise neune so starck
hat von disem eynigen gesondert. Syntemal wyr ge-
hort haben / das sie alle sampt so ein seyn anheben vnd
zunehmen ym glawben Christi hatten? Von yhn selb-
ber werden sie nicht so weyt abgefallen seyn / es mus
yemandt den glawben ym yhn zuuor vmbgestossen ha-
ben / das sie die ehre / die sie biszher Christo so frey vnd
redlich gaben / nu von yhm wenden vnd berauben / vñ
die freundschaft ym feynschafft verkeren. Es mus
auch nicht ein schlechter abfal seyn / der sich so hart we-
ret / vnd widderstrebt disem eynigen / vnd alle seynem
vermanen vnd bitten. Sihe / das haben die priester
than / die kundtē nicht leyden / das die ehre wurd Chri-
sto geben. Darumb werden sie gar eyn starcke predigt
widder yhn than haben / das sie solchen glawben vor-
tilgeten. Was mügen sie aber gesagt haben zu yhnem?
Die weyl sie widder Christum vnd den glawben ha-
ben gestritten / ist gutt zu dencken / was sie gesagt vnd
than haben. Nemlich das widderpiel des glawbens /
das ist. Sie habē den armen leuten fur geblewet / wie
sie nicht solten glawben / das Christus sie gereynigt
hette / sondern solten Got dancken / der het yhr opffer
vnd der priester gepet angesehen / vnd sie erhoret / vnd
darumb gereyniget. Daruber haben sie yhr hertz mit
zween starcken stößen vmbworffen. Zum ersten / das
aussatz reynigen sey vnmüglich der creatur / vnd alleyn
Gotlich

Was die wunne
der abweidig
gawbe das y
mst. Gabe

Gotlich werck gewiszlich / darumb minge es Christo
ynn keynen weg zu geeyget werden / denn sie sahen eyn
menschen / vnd nicht fur got achteten / darumb sie sich
hüten solten / das sie ia Gott nicht lesterten / vnd eyn
creatur zu got machten. D wilch eyn hubscher scheyn
vnd mechtiger stos ist das gewesen / wie eyn gros glau
be mus da seyn / der do stehen sol / wenn man yhm got
selber / Gottis ehre vnd Gottis werck entgegen stellet
vnd damit diewet / das er got nicht vorleugne. Wilch
hertz meynet nicht / das es hie auff's aller beste thue /
das es solcher anfechtung folge?

Der ander stos / das sie Moses gesetz haben furzo /
gen / daryn gepoten wart / man solte die priester hören
bey dem tod / was sie nach dem gesetz vrteyletē Deut.
xvij. Die weyl denn hie die priester vrteyleten / die rey
nigung were von Got / nicht von Christo geschehen
haben sie yhr gewissen geweltiglich gefangen / vñ den
glawben zu puluer verstorret yn den neunen / denn wid
der das gesetz thun / ist auch widder Gott thun. Da
sihe / wilch eyn grewliche anfechtung ist das gewesen /
da dem gewissen wirt entgegen stellet / der leylich vñ
ewig todt / Gottis vnd menschen zorn / die höhisten
vnd grösten sunden zu gleych mit den grössisten straf
ffen. Wilchs hertz solt fur solchen schrecken nicht fals
len / odder yhe nicht zittern? sonderlich so man das ges
etz gotis zu eynem warzeychen darbeut. Damit sindt
dise neune dahyn gefallen / vnd hetten ehe zehen Chri
stus verleucknet / ehe sie Got erzurnen / vnd das gesetz
vbirtretten wolten / haben gedacht sie thun fast wol
dian. Darnach wirt sich allererst eyn wust gezencck erz
hebt haben vbir disem cynigen / der hatt alleyn sollen
stehen wider die priester / vnd alle seyne gesellen fallen
von yhm zu seynem widderteyl / da werden sie auch

B iij vleys

vleys furgewand haben gepeten / vnd gedrewet das er
gott yhe nicht erzurnet / dē priestern glewbt / das gesetz
Mosi nicht verachtet / sich fursche / das er nicht tödtet
wurd / als ein gotis lesterer. Da hat das arm kind mu
ssen ein narz oder vnsynnig seyn / ist's yhm so gut wor
den / oder ein ketzer vñ abtrüniger / hat reynigung vbir
komen / aber er mus drob wagen leyb vñ leben / gut vñ
ehr / freund vnd gesellen / mus dazu yhn lassen den na
men das sie frum sind / wol thun vñ gott ehren / er mus
eyn sunder seyn vnd gott vnehren. Vnd die weyl er war
eyn Samaritan / haben sie seyn villeycht deste weniger
geacht / vnd gedacht / Las yhn faren / er ist doch eyn
Samaritan / eyn verloren mensch / vnd nicht von Is
rael / oder haben sich seyn erbarmet / als eyns tollen be
sessenen mensche. Sihe das ist die letzt vñ grossist an
fechtung des glawbens / wer hie bleybt der bleybt wol
ewig / denn da ist vbirwunden tods vnd helle furcht
mit allem schrecken / das yn diser vnd yhener welt ist /
Also mus alle zeyt der gottliche name das grossist vbel
thun vñ der grossist schäd deckel seyn / durch misbrau
ch des teuffels / vnd böser menschen. Denn die weyl sie
wissen / das man nichts so seher furcht vnd ehlich helt
als Gottis namen vnd ehre / sonderlich bey den gutt
hertzigen menschen / drum nehmen sie eben den sel
ben / vnd furen yhn auff yhr ding / sol Gott seyn / was
sie fur geben / so folget denn der arm hauffe / der nicht
anders wehnet / man sol allis das furchten vnd auff
nehmen / damit Gottis namen oder wort furgestellet
wirt. Darumb ist nodt eyn grosser verstandt ynn sol
chen anfechtungen / das man sich nicht yren lasse / ob
mit gotis namen wyr bedrewet werden. Haben doch
auch die Abgöter gotis namē vñ ehre yhn zugemessen.
Also hatt der Bapst auch alle zeyt braucht des got
lichen

Der namen Gott
by Hand d. Bed.

kichen namens zu aller sund vnd schand. Vnd folgen
yhm alle seyne iunger vñ falschen lerer / zuuor die geyst
lichen / die da furgeben yhr vnchristlich / vnglewbig
stend vnd werck sey Gotlich vnd Christlich. Aber viel
herter gehet es dazu / wen der böse geyst das gewissen
engstet yn tods nöten / vñ furhelt wie gott zornig sey /
vnd wolle seyn nicht / dauon David psal. iij. sagt. Viel
sagen meynere seele got wölle yhr nicht helffen etc. Oder
wie die Juden zu Christo am Creutz sprachen / Las
sehen ist er gottis son / er helff yhm nu / er hoffe nu ym
gott / las sehen ob er yhn erlöse / als soltē sie sagen. Es
ist vnmuglich / das er yhm helff / es ist mit yhm gantz
verloren / oder so got selbs eynen mensche also versucht
vnd verlest / das er nicht anders ym seynem gewissen
fulet / denn also hab yhm gott entsaget / vnd wölle sein
nymer mehr / wie David sagt psal. xxx. Ich sprach yn
meyner entzuckung. Nu bin ich von deynen augen fur
worffen. Wilchs auch Abraham Gen. xv. vnd Jacob
Gen. xxxij. versucht haben. Die leydet der glawb die
letzte nodt / vnd ist ym der helle peyn. Die ist nodt fest
halten / vnd sich nicht yren lassen / das yhm got selber
fur bildet wirt / das sind die sterckisten Christen vnd
grösten geyster. Das sag ich allis darumb / das wyr
lernen fest am glawben halten / den wyr angefangen
haben / vnd ymer bleyben yn dem selben gutten wahn
der sich allis gutten zu gott vermesse / vñ vns nicht da
von lassen stossen oder dringen / es sey mensch / teuffel /
sund / gesetz / gottis name / auch got selber / wilchs wir
deste bas vermugē / so wyr nur darauff bleyben / dz die
eygētlich natur des glawbēs sey / wie Pau. sagt substā
tia sperandarū / argumentū nō apparentiū. Nō aut sub
stātia fugiendarū / nec argumentū visibiliū / dz ist / des
glawben art ist / das er sich verlas auff die gütte gotis
vnd

Der böse geist
yn den lehren broden
gawt ist im mensche
vñ das er dar brunn
ist

Des glawben
art

vnd bilde yhm nicht anders fur / denn des zu hoffen
vnd begeren sey. Darumb was da ander ding / das zu
fliehen vnd schrecklich ist / das ist nicht des glawbens
furbild / sondern der anfechtung vnd versuchung / den
Got hat vnsern glawben / odder gut gewissen / odder
zuvorsicht / nicht auff zorn / sondern auff gnade ge-
bawet / darumb auch alle seyn zusagung / lieblich vnd
gnedig sind / widderumb seyn dreyen schrecklich vnd
bitter / wilch man auch glawben mus / aber darauff
kan sich der Christlich glawbe nicht bawen / der mus
eyttel gutt ding yhm furbilden. Das ander / das man
gewiss sey / dasselb gutt das der glawbe yhm fur hat /
vñ darauff er sich verlest / mus nicht gesehen noch em-
pfunden werden. Darumb alles was er fulet / es thu
wol odder wehe mus er wissen / das es nicht das sey /
das er glawben sol / sondern es ist die anfechtung vnd
versuchung / vnd sich also druber schwingen vnd sprin-
gen / die augen vnd alle synne zu thun / nur an dem gu-
ten hangen / das er wider sibet noch fulet / bis das die
anfechtung vergehe. Gleych wie Elias. iij. Regū. xix.
seyn angesicht deckt mit seynem mantel / da der grosse
wind / vnd erdbeben / vnd feur fur yhm vber gieng.

So viel nu dises aussetzigen stos vnd anfechtung
sind grösser gewesen / vnd er darynn alleyn verlassen
vnd bestanden / so viel ist seyn glawb grösser vnd volko-
men / gantz reyff worden / an zweyffel / vns zu eynem
exempel / das wyr vns auch nicht lassen bewegen / sol-
che priester vñ geystliche / wenn schon der gantze hauff
aller welt yhn zu fiele. Es war yhe eyn gros ansehen /
das die priester yhm widderstunden / die doch andern
leuten den rechtē weg zu leren schuldig waren / die bil-
lich die gelertisten seyn solten. Vnd hie lernen wyr eyn
gut antwort / das wyr dem Papsst geystlichen vnd ge-
lerten

*Wyr von den
Christlichen vnd vorwissenen
Layden zu verhoffen*

lerten mugen geben / wenn sie sich auff werffen mit
yhrer gewalt/vbirckeyt/ampt vñ würdickeyt/geben fur
man müsse yhn glawben/vnd alleyn hören was sie sa-
gen/können wol fassen/das Christus die aussetzigen
zu den priestern weiset/stellen sich aber als sehen sie nis-
cht auch/wie diser eynige mensch/der nicht eyn pries-
ter/sondern eyn leye war/ia auch nicht eyn Israelisch
sondern eyn Samarisch man / vnd vrteylet doch der
priester lere vnd meynung / vnd ist gelerter denn sie alle
samt/fragt auch nichts darnach/ das er alleyne ist/
vnd der hauffe yhn zufellet. Wenn nu das gnug were
wie vnser Papiisten sagen / das sie die geystlichen/ges-
lerten vnd vbirsten heysen/vnd gewalt/ dazu den hau-
ffen mit sich haben/vñ man solt nicht widderprechen
was die vbirckeyt/würdickeyt/gewalt/der hauff furge-
be/so hett diser Samarisch vnrecht than. Aber da sey
Gott fur/sondern das Euangeliū leret hie / das nie-
mant so fast yren vnd verführen pflegt / als eben die
priester/die geystlichen/die gelerten/die vbirsten / die
würdigsten vnd die meisten/darumb sich auch fur nie-
mandt so fast als fur yhn zu huten ist. Doch die weyl
Christus sie zu yhn weiset/gibt er an dz nicht yhr ampt
sondern der misbrauch yhrs ampts zu meyden sey/vñ
setzt eyn regel/wie fern man yhn glawben vnd folgen
sol/Nemlich wenn sie nach dem gesetz leren/sol man
sie hören/wie Moses Deutro.xvij.klerlich ausdrückt/
das die priester nach dem gesetz vrteylen solten/vñ als
denn wer nicht hören wolt/steynigen/wo sie aber on
gesetz vnd yhr eygen lere furgeben / soll man widder
ampt noch gewalt ansehen/vnd alleyn bey der schrift
bleyben. Es sagen die leutt wol/das niemandt falsch
schreybt/denn die schreyber / also predigt auch niemant
falsch/denn die prediger/vnd wie man abermal sagt/
D die

*Wist das ampt
nicht? & misbrauch
des christlichen
amptes*

die gelerten die verkerten. So denn die priester die von
gottlicher ordnung eyngesetzt sind / vnd gottis gesetz
leren / das mehr mal vnd am sehesten yren / was solt
ten vnser Bapst / Cardinal / vnd Bisschoff thun / die
widder von Gott noch menschen / sondern von yhn
selbs eyngesetzt / dazzu widder predigen noch studirn /
auch nicht mehr denn lautter menschen lere / vnd yhre
eygen trewm auffrichten. Darüb ist hie widder ampt
noch lere gutt / eyttel yrthum von oben an bis vnden
aus / das nur zu meyden / nicht viel zu disputirn ist / yhre
lere vnd wesen / denn sie sind nicht die prierster / die hie
bezeygt sind / wie wyr hören werden.

Warumb sagt aber S. Lucas / das diser eyniger
gesehen hab / das er reyn worden ist ? Habens die an
dern nicht auch gesehen / so sie doch alle zehen gerey
nigt sind ? So haben die neune / wie wyr gehört mit
den priestern auch Gott gelobt / vnd gross von
yhm gehalten / auff das sie ia nicht Christo / als eyner
creatur die ehre geben / warumb sagt er denn das diser
eyniger alleyn habe Got gros gelobt mit grosser stym
Auffs erst / ist das von Lucas nach der gemeynen
weyßs geredt / da man sagt von dem vnd danckbarn /
er sibet nicht die wolthat / so yhm geschehen ist / das ist
er wils nicht sehen / noch zu hertzen nehmen / noch bes
dencken / auff das er danckpar were / sondern thut als
wust er nichts drum / veracht vnd sibet es nicht an.
Also haben disse neune nicht wollen ansehen / vnd be
dencken die wolthat Christi / haben yhn veracht / als
hett er yhn nichts than. Widerumb der danckpar wil
vnd kan nicht vergessen / hört nicht auff an zusehen vñ
zurkennen seynen woltheter vnd wolthat / mit solchen
augen hat diser Samaritan angesehen seyne reynigug
Auffs ander / die neune lobten auch Gott / aber mit
der zung

der zungen / vnd lesterten yhn zu gleych ynn **E**hristo /
Es were auch nicht strefflich gewesen / ob sie **E**hristu
der zeyt / noch nicht fur eyn got hattē gehalten / denn er
war noch nicht verkleret / als s. Joānes sagt. Vnd di
ser eyniger hatt yhn vñlleicht auch noch fur eynen lau
tern menschen gehalten. Aber da wolten sie hyn / das
Ehristus eyn sundiger mensch vnd **G**ottis lesterer ge
halten / vnd auff s euserlichst veracht wurde / ein solche
giffte breweten sie yn die neune. **E**hristus sucht der zeyt
nicht mehr / denn das sie yhn auffnemen / als von **G**ot
zu yhn gesand / das sie glewben wie gott yn yhm wo
nete / redte vñ wirckte das wolten sie nicht / vnd mocht
ens auch nicht leydē von andern / das sie yhn also auff
nemen / sondern er solt geacht werdē vom teuffel komē
vol teuffel seyn / durch teuffel reden vñ wircken / vñ sol
chen glawben liesen die neune yn sich treyben. Aber di
ser eyniger bleyb fest drob / got musste mit **E**hristo sein
der durch yhn vnd yn yhm redte / wirckte vnd wonete.
Darumb ist seyn lob vñ danck beschrieben / vñ yhener
lob geschwigē. Durch was streyt vñ anfechtung er yn
solchē glawben blieben ist / haben wyr drobē gehoret.
Es ist ein gros glawbe das er an dem so fest hielt / der
veracht / verdampft vñ verlestert war / von den priestern
gelerten / grōsten / besten vñ meysten ym gantzen volck.
Wer durfft itzt **E**hristu also haltē wen yhn der **B**apst
bischoff / doctores / munch / pfaffen / fursten mit alle
yhr hauffen verdampft hetten / vñ ein bulle lassen wider
yhn aus gehen / wie wyr offentlig sehen das sie thun.
Vnd hie leret das **E**uangelii / was fur werck thue
der versuchte vnd erfarme glawbe / vñ wilchs der rech
te **G**ottis dienst vnd ehre sey / die man **G**ott ertzeygen
mag. **E**tlich bawen yhm kirchen / etlich stifften mes /
etlich leuttē yhm glocken / etlich zunden yhm liecht an /

D ij des er

Was vor werck
d. 10. 11. 12. 13.
yhn

*Kirchen bauen
und mess halten
wenn*

des er ja sehen muge. Und thun nicht anders / denn
als were er ein kind der vnser gütter vñ dienst bedürffe.
Wie wol kirchen bauen / vnd mess halten am ersten
aus der vrsach ist auff komen / das die Christen alda
zusamen kemen / den rechten Gottis dienst zu vollns
bringen / darnach ist der selbe dienst abgangen vnd
gantz verschwigen. Da sind wir an stifften / bauen /
syngen / leutten / leuchten / kleydern / reuchern vnd was
der bereytung zu Gottis dienst mehr sind / blieben
hangen / bis das wir solch bereytung achtē / den rech
ten hewbt Gottis dienst / vnd wissen von keynem an
dern zu sagen. Und thun also weyszlich / als wer eyn
haus bauen wolt / vnd verbawet an der rustung alle
seyn gutt / vnd keme seyn leben lang nymmer so fern /
das er eynen steyn zum haus legt. Rad / wo wil der
selb zu letzt wonen / wenn das gerust wirt abbrochē?
Aber das ist der recht Gottis dienst.

*Das Gulte und
gulte werck das
wir vor uns
haben*

widderkomen : mit grosser stym
hoch loben. Das ist / das gröste werck vnn hymel
vnd erden / dazzu das eynige / das wir Gott erzeygen
mugen / denn der andern darff er keynis / ist yhr auch
nicht fehg / alleyn geliebt vnd gelobt mag er von vns
werden / Davon sagt psal. xlix. Was wiltu myr ge
ben? ist doch alles zu vor meyn / opffer myr das opffer
des lobs / das ist das werck / das mich ehret. Meynstu
das ich Rindfleysch essen / odder bocks blut trincken
wölle? Also mocht er itzt zu den stifftern / reuchern /
syngern / klengern vnd leuchtern sagen / Meynet yhr
das ich blind vnd tawb sey / oder das ich keyn herberg
habe? Leben vnd loben solt yhr mich / so reuchert yhr
myr da fur / vnd leuttet myr glocken. Das widderkos
men / ist die empfangen grad vnd gütter wider heym
zu Gott

zu Gott tragen / sie nicht behalten / nicht drauff fallen
sich der selbigen nicht erheben für andern / sich yhm ni-
cht rümen / vnd nicht ehr dauon haben wollen / nicht
etwas bessers seyn wollen / denn die andern / yhm selb-
ber nicht wol gefallen / noch lust darynnen haben / son-
dern alle solche lust / gefallen / rhum vnd ehre alleyn yn
dem haben / der sie geben hat. Vnd willig / gleych / ge-
lassen stehen / so er sie widder von yhm nehmen wolt /
vnd nichts weniger als denn auch lieben vnd loben.
Dwie wenig sind der / die also widerkomen / freylich
kaum eyner vnter zehen. Datt eyner eyn schöner har-
dem der ander / so gefellet er yhm selb darynnē für an-
dern / Was solt er denn thun ynn den grossen güt-
tern der vernunft / des geystis ic. Das sind die Raben
Noe / die aus der Archen fligen / vnd komen nicht wid-
der. Summa / widerkomen / begreysst die zwey
stück / Nicht hafften an den gottis gaben / sondern al-
ley an yhm selber / der sie gibt.

Also auch das hoch loben Gottis / begreysst die
zwey stück. Das erst / ist hoch von yhm halten yn her-
tzen / vnd eyn lieblich wol gefallen yn yhm haben / das
wyr schmecken vnd empfinden / wie süß der herz sey /
Dauon S. Petrus sagt. i. Petri. ij. vnd psalm. xxxij.
Schmeckt vnd sehet / wie süß ist der Herz / das allis
leret / vnd bringt der versuchte glawbe am end der an-
fechtung / Denn so lange der streyt vñ die anfechtung
weret / ist der glawbe ynn der erbeyt / vnd ist alles hart
vnd sawr / empfind noch schmeckt keyn süßickeyt ynn
Gott. So bald aber die bose stund für vñ ist / so wyr
des erharren vnd bleyben / so kompt die süßickeyt got-
tis / da wirt gott dem hertzen so lieblich / vnd gefellig
vnd süß / das es nicht mehr begerd / denn mehr strey-
ten vnd anfechtung versuchen / hat nu gleych eynen
D iij durst

*Der yhmste glawbe
gehet an hertzen
vnd wirt
wunderlich*

durst vnd verlangen noch leyden vnd vngluck / da sich
alle welt fur furcht / vnd er selb zuuor auch sich dafur
furcht / Dauon psal. xxv. sagt. Herz versuch mich / vnd
las mich anfechten / schmelze meyn nieren vnd hertz.
So gar wirt eyn ander mensch / eyn ander schmack
aus dem ritterlichen glawben / das yhm hynfurt nicht
wol ist on leyde. Vnd gleych widersynnisch aller welt
lebt / das er lust hatt darynnen sie leyde hat / vnd leyde
daryn sie lust hat / bis das er disem gantzen lebē feynd /
vnd des sterbens gantz begirig wirt. Sihe das meinet
S. Paulus da er sagt. Ich bin der welt gecreutzigt /
so ist myr die welt gecreutzigt. Das ist / meyn lust vnd
leben ist yhr leyde vnd todt / vnd yhr lust vnd leben ist
meyn leyde vnd todt. Darumb spricht er abermal. Ich
begere zu sterben / vnd zu seyn mit Christo. Zu solchen
schmack vnd erkenntnis / kan keyn werckheylige komen
denn anfechtung vnd leyden wollen sie nicht / szo
mussen sie auch glawblos / vnd gantz vnerfarne mens-
schen bleyben yn geystlichen sachen. Das ander stück
ist / mit der stym eraus brechen / vnd also bekennen fur
der welt / wie das hertz von Gott helt ynwendig.
Das ist nichts anders / denn aller welt feynschafft
auff sich laden / vñ viel botten nach dem tod vnd creutz
senden. Denn wer Gottis lob vnd ehre mit der stym
preyssen wil / der mus aller welt lob vnd ehre verdamm-
nen / vnd sagen / wie aller menschen werck vnd wort
nichts sey mit aller ehre / die sie dauon haben / sondern
alleyn Gottis werck vnd wort sey lob vñ ehre wirdig.
Sihe das kan denn die welt nicht leyden / da mustu
denn herhalten / eyn ketzer / eyn verfurer / eyn Gottis
lesterer seyn / der du versprichst so viel gutter werck vnd
geystlichs leben / mit allem Gottis dienst. Da heyst
mandich denn still schweygen / odder macht dyr eyn
feyr.

Gott lob vñ
mein wissen

fewr. Vnd ist nicht muglich / das sie es von dyr leyden
den yhr ding wollen sie vnuerworffen von dyr haben /
so ist auch vnmuglich / das du auffhorist vn̄ schwey-
gigt / sondern mit grosser stym / wie diser aussetziger be-
kenstu viel mehr alleyn Gottis lob vnd ehre ynn seynen
wercken vnd worten / also gehistu denn zu scheyttern /
vnd wirst zu asschen. So feret denn der Papsst zu / vn̄
macht seynen Kalender grosser / mit rotter tindten /
erhebt sie zu heyligen ynn hymell / vnd tilget dich aus
dem buch des lebens / wirfft dich vier tausent meyl
yhen syd der hellen / vnd bist ein fawl geliedt / geschny-
ten von der heyligen Christenheyt / das du die heylige
Kirche nicht vergiffst mit deynem stanck / vnd teuffels
lere / dauon sagt Christus Matt. xxiii. Alle welt wirt
euch hassen vmb meynis namens willen. Warumb
vmb deynis namens willen? Sie wollen noch mugen
gottis namen / lob vnd ehre nicht leyden / denn da mit
wurden sie vnd all yhr ding zu schanden / vnd were als
ley n gott weyse / gutt / gerecht / warhafftig vnd starck
so mussten sienarren / böse / vnrecht / lügner / falsch vnd
vntuchtig seyn. Wer wolt das gros vnrecht die teuffe-
lische ketzerey leyden? das man so viel gottis diensts /
vnd gottis lebens / solt vmb gots willen abethun vnd
endern als nerisch / vnrecht / falsch / vntuchtig ding.
Nicht also / es mus nicht gott / sondern der teuffel sein
der solchs furgibt. Sihe auff der strassen / sind alle pro-
pheten erwurgt / vn̄ Christus selbs. Die welt wil ni-
cht nar seyn / noch vnrecht haben / so wils Gott nicht
von yhr leyden / vn̄ schickt zu yhr seyne botten / vn̄ strafft
sie drum. Also müssen denn die heyligē / yhr blut drob
vergiffen. Darumb ist es eyn gross ding / got mit frey-
er grosser stym loben / vnd erheben fur der welt.

Nu loben vnd heben die falschen heyligen / vnd
Christi

*Kapitel vmb
gott namen
widern*

97 falschen rüsten loben uns vor mir N. N. N.

Christmörder auch mit grosser stym / Gott vnd seyne
werck / ia sie predigen vnd schreyen mehr von Gott /
denn die waren heyligen / wie wyr itzt auch sehen alle
winckel vol prediger / die Got hoch heben vnd loben /
das er alleyn tzu loben vnd ehren sey / vnd furen eben
die stym vnd wort / die die rechten prediger furen / war
umb gilt es denn nicht 2 odder was ist der feyl dran 2
On zweyffel keyn anderer / denn das sie mit disem auf
setzigen Christo nicht zu fuss fallen / vn̄ yhm dancken
sondern wollen das Christus yhm zu fuss falle / vnd
danck yhm. Denn die Juden thetten gott alle ehre / aber
Christum wolten sie nicht leyden / also auch dise / szo
lange man yhr ding lasse bleyben / vnd nicht verwirfft
schreyen vnd loben sie fast hoch / aber so man sie auch
wil nach solcher lere richten / vn̄ yhr eygen geschrey vbir
sie fellen / das sie nichts seyn / vnd alle yhr ding falsch /
vnd narheyt / da gehet das lob vnd geschrey aus / da
bricht erfur yhr falschis hertz / vnd wirt offinbar / das
sie gott nur mit dem mund / vnd sich selb mit dem hertz
tzen ehren vnd loben. Es ist nicht gnug / das du fast
seher ruffist vnd schreyist / gott thu alle ding / vnd vnser
ding sey nichts / du must auch leyden / das man solchs
von dyr vn̄ deynem wesen sage. Du kanst leyden / das
Christus vnd deyn feynd nichts sey / vnd allis was er
thut verworffen sey / vnd meynst es sey recht vnd wol
than / denn seyn wesen sey nicht aus got / sondern wid
der got. Aber du wilt nicht auch mit yhm verworffen
seyn / deyn ding soll gott selb vnd vnverworffen seyn /
wie ist es denn muglich / das du soltist den verworffen
Christum leiden / schweyg denn das du yhm zu fussen
fallen soltist / vnd dich vnwirdig achten / der da mit
yhm verworffen wurde. Die weyl denn nu gott sich
hatt ynn den verachten menschen Christum verporren
vnd da

vnd da wonen wil/darffistu dyr nicht furnemen/yhn
anders wo zu finden/denn wo verachtung ist/Ja du
must dahyn komen/das du fro werddest/das du wirs
dig seyest/verachtet zu werden/vnd must noch zu fufs
sen fallen vnd dancken der verachtung/die deyn ding
nichts wil seyn lassen/auff das nicht wort/sondern
that seyn/das du sagist/alleyh Gott sey zu loben vnd
kein mensch/vnd solche lere an dyr am ersten beweyset
werde/vnd eben vmb der selbigen lere willen solchs
leydest/vñ des allis dich nicht würdig erkennest. Also
hatt Christus auch solchs geleret/vnd alleyn Gottis
name erhebt/ist auch am ersten vnd meysten vbir yhn
gangen/das er gar zu nicht ist worden/das yhm dar
ynn keyner gleych wirt. Das ist eyn reych gross ex
empel/da viel von zu sagen were. Aber itzt sey es gnug
das wyr ein wenig sehen/wie eyn gros ding es ist/mit
der that gottis lob beweysen vnd Christo dem verachs
ten menschen auch zu fufs fallen/auffs angesicht/wie
die Aposteln Actu.v. fro waren/das sie würdig was
ren/vmb Christi namen willen/schmach zu leyden/
dauon psal.lxxi. gesagt ist/das die feynd Christi sol
len die erden lecken vnd anbeten die fustappen seyner
fues. Das ist/wie S. Paul. auch sagt. Sich rhumen
yn dem leyden vnd creutz/das da begegnet vmb solch
lob Gottis vnd menschen straff willen. Denn weyl
Christus selbs also gelitten hat/ist das leyden zu kost
lich worden/das seyn niemandt würdig ist. Vnd fur
eyn gross gnade an zunehmen vnd antzu betten ist.

Dyeraus sehen wyr/wie weyt eyn Christlich leben
vbitrit das naturlich lebē. Zum ersten verachtet sichs
selbs. Zum andern liebet vnd durstet nach verachtung
Zum dritten strafft alles das nicht veracht seyn wil/
darob es ynn alles vnglück sich ergibt. Zum vierden/
J wirts

wirts auch veracht vnd verfolgt vmb solcher veracht-
tung vnd straff willen. Zum funfften / duncker sichs
auch nicht würdig zu leyde solch verfolgung. Nu flengt
die welt vñ natur für dem aller ersten stück / wenn solt
sie denn zu dem letzten komen. Es ist aber noch ein an-
ders dahinden vnd grossers / von dem zu fars fallen
Christo das die priester nicht wissen noch wollen / denn
es ist nicht eyn iglicher glawb genug / sondern Chri-
stus glawb mus da seyn / der demutigt recht. Da von
wollen wir hernach ynn der geystlichen auslegung
sagen.

Vnd der selbige ware ynn Samaritā

Was ist dem Euangelisten nott gewesen / das zu
schreyben für andern dingen / das diser eyn Samaritan
wer? Damit thut er vns die augen auff / vnd war-
net vns / das gott zweyerley volck hat / das yhm dienet.
Eyns das den namē vñ scheyn hat von grossen geist-
lichen heyligen leben / mühen sich auch fast dymmen /
vnd ist doch nichts dahinden / sie sind nicht mehr denn
reysende wolff vnter schaffs fleydern / noch haben sie
die ehre da von / sind auch von yderman dafür gehalten /
das sie die rechten Gottis diener seyn. Darumb fleust
yhn gut / ehre / freuntschafft zu / vnd allis was die welt
hat / vmb gottis willen / denn man achtet / das er do
sey / vñ wer sie anders helt / der ist erger denn ein heyde /
ketzer vñ abtrünniger ic. Die andere sind on alle schein
vnd namen / ia ynn widderschein / das niemant wens
ger gottis volck sey denn sie / vnd kurtzlich / sie sind eytel
Samaritan / wilchs wort bey den Juden so vbel lau-
tet / als wenn man itzt yemant eynen Turcken / Juden
beyden odder ketzer schulte. Denn die Juden hatten
allein den namen das sie Gottis volck weren / Gottis
diener

*Samaritaner volck
auf Gott*

Samaritan

diens̄t vnd gott selber bey yhn alleyn / fur allen leytten
auff erden. Vnd zum vber allen waren sie den Sama-
ritischen feynd / denn die selbigen wolten auch Gottis
volck neben yhn seyn / darumb war eyn Samaritan
bey yhn / als bey vns eyn verleuckneter Christen. Vnd
wie wol es war ist / das die Samaritanen nicht recht
glaubten / vn̄ die Juden das recht gesetz gottis hatten /
so geschichts doch / wie der menschlich brauch ist / das
allein die sich des Judenthums rümeten / vnd die Sa-
maritanen verachten / die weniger Juden vnd erger
Samaritan waren / den̄ die naturlichen Samaritan
Nu aber gott die warheyt liebt / vnd dem gleyssen mit
all seynem rhum feynd ist / keret er es auch vmb / vnd
nympt die Samaritan auff / vnd lest die Juden faren
Also geschicht denn / das die seyn volck nicht sind / die
doch den namen / scheyn vnd ehre dauon haben / wids
derumb die seyn volck / die den namen vnd scheyn ha-
ben / das sie ketzer abtrunige vn̄ des teuffels eigen sind.
Also gehet es itzt auch / die geystlichen / Pfaffen vnd
Aduoch nennē sich / werden auch dafur gehalten / das
sie gottis diener seyn / vnd niemandt Christen ist / der
nicht glaubt wie sie glauben / so doch niemandt weni-
ger Christen vnd gottis volck ist / den̄ eben die sich vns
ter yhn / also auffwerffen vnd rhumen / Widderumb
die sie fur ketzer halten / der sie auch viel verbrand vnd
verriagt haben / als Johannē Hus vnd seynes gleyche
die müssen nit Christē sein / so sie doch allein die rech-
ten Christen sind / da geht denn dis Euangelium mit ge-
walt / das niemandt widerkompt / niemandt got erhebt
Imit grosser stym / niemandt fellet Christo zu fussen auff
sein angesicht / den̄ allein die Samaritaner die verach-
ten / die verdampfen / die vermaledeyten / die da ketzer
abtrunige / yrige vnd des teuffels eygen müssen sein.
Jij Darumb

Darumb laß vns nur huten für allem das da sehey-
net es treuget gewiszlich/vñ nicht furwerffen/was da
nicht seheynt/auff das wyr nicht anlauffen/vnd dar
under Christum vnd gott furwerffen/wie die Juden
thetten. Das wollen auch die wort Christi/da er sagt

Da antwort Ihesus vnd sprach:

Sind yhr nicht zehen reyn worden? Wo sind denn die
neune? Ist keyner erfunden/der do widderumb gieng
vnd gebe gott die ehre/denn alleyn diser frembdling.

¶ Der frembdling thuts/der gibt die ehre gott reyn
vnd gantz. Deyn schrecklich exempel ist das/vnter zeh-
hen nur eyner/vnd der selb vnter yhu/der geringste vñ
nichtigste. Wie gar sihet doch Gott nichts auff das
das gros/weys/geistlich vnd ehrlich ist. Noch furch-
ten sich solch leutt nicht/sondern vorstocken vnd ver-
harten ynn yhrem wesen. Das ist auch schrecklich/das
der her: so eben weys/das yhr zehen sind reyn worden
das sie doch nicht meyneten/datzu schweygt er nicht/
fragt darnach/vnd sucht sie. Wo sind die neune? W-
wilch eyn schrecken wirts seyn/wenn sie dise frage der
mal eyns fülen werden/vnd sollen antworten/wo
sie hyn gangen seyn/das sie nicht Gott haben die ehre
geben. So werden sie denn sagen/Ey habē wyr doch
gott gelobt vnd danckt/vnd vnser priester haben vns
also geleret. So wirt sichs finden/obs helffen werd/
das man menschen lere gefolgt vnter Gottis namen/
vnd gottis lere vmb gottis willen verlassen hat. Wyr
sind gnugsam ym Euāgelio verwarnet/darumb wirt
keyn entschuldigung helffen/so wyr vns verführen las-
sen. Wyr haben alle ynn der tauff gelobt Christo vnd
seyner lere zu folgen. Niemand hat gelobt dem Paps-
Bischoffen vnd geystlichen zu folgen. So hat Chri-
stus

aus menschen lere / durch vnd durch verworffen vnd
verpotten. **Es** troestet aber hic Christus seyne arme Samaritaner / die vmb seynis namens willen müssen das leben wagen / an den priestern vnd Juden / vnd sterckt yhs hoffnung / mit dem vrteyl vnd gericht / das er die neune foddert vnd vrteylet als die gottis diebe / die got seyn ehre stelen / vnd rechtfertigt den Samaritanen. Denn es macht gar eyn starcken mutt die hoffnung / das sie weys yhs sach werde fur gott recht behalten vñ bestehen / des widderteyls sach werde verdampt vnd nicht bestehen / wie hoch sie auch aufferden vbir schweben vñ recht behalten. Darumb sihe zu / ehe er den Samaritanen rechtfertigt vrteylt er die neune / das wyr yhe gewis seyn sollen / nicht eynen noch begeren der rache / sondern sie yhm nur heym stellen / vnd fur vns faren / den er ist von yhm selb so sorgfeltig / das recht zu schutzen vnd vnrecht rechen / das er das selb am ersten furnimpt / ehe er seyne Samaritanen belonet. Datzu brauch er fast viel wort vbir disem vrteyl mehr den zu dem Samaritanen / das wyr yhe sehen sollen / wie gros yhm drangelegen ist / vnd gar nichts vergesse yhs vnrecht vnd vnsers rechten. Auch warttet er nicht so lange das sie yhm verklagt werden / sondern foddert sie von yhm selbs / das yhm on zweyffel / der yaglewbigen wesen mehr vnd ehe bewegt / denn es vns betrifft oder besche diget / Danon sagt Deutro. xxxij. Die rache ist meyn / vnd ich wil vergelten / Vnd Roma. xij. Lieben bruder recht euch nicht selber / sondern gebt rawn dem zorn.

And er sprach zu yhm: **Stand** auf: gang hynn / deyn glawbe hatt dyr geholffen.

Sihe da / ist das nicht eyn wunderlich spruch / das

211

J iij er die

er die reynigung dem glawben gibt? Das ist widder
das vrtel der priester / die den neunen sagten / yhr op
ffer vn̄ gehorsam des gesetzs het sie reyniget. Aber Chri
stus vrtel bestettet vnd vbirwind / das sie nicht sind
vmb yhrs gangs willē zu den priestern / nicht vmb yhrs
opffers willen / sondern allein vmb yhrs glawbē wil
len reyn worden. Darumb wie droben gesagt ist / der
glawbe leydet keyne werck neben yhm / die yhm daz
helffen solten / das er rechtfertig vnd selig werde / denn
das mus vnd wil der glawbe aller ding alleyn thun /
vnd die werck anders wo zu brauchen / nemlich dem
nehisten zuhelffen / wie yhm Christus geholffen hat.
Vnd das wirs hie beschliessen / so sehen wir das dis
Euangeliiū gnugsam das gantz Christlich leben vnter
weyset vnd furbildet mit alle seynen zufellen vnd ley
den / den die zwey heubtstück sind der glawbe vn̄ liebe.
Der glawb empficht gut / die liebe gibt gut. Der glaw
be opffert vns got zu eygen / die liebe gibt vns dem ne
histen zu eygen. Wenn dem nu solch loben ist angan
gen / so sieht gott an / vnd bessert es durch versuchung
vn̄ anfechtung / da durch der mensch yhe mehr vn̄ mehr
zunympt ym glawben vnd liebe / das yhm gott durch
eygen erfahrung so hertzlich lieb vnd sus wirt / das er
nichts mehr furchtet. Da wechst denn her die hoff
nung / die da gewis ist / das sie gott nicht lassen wirt /
dauon S. Paul. sagt Ro. v. Wir rhumen vns in der
anfechtung / denn wir wissen das anfechtung bringt
gedult / gedult bringt bewerung (das der mensch erfun
den wirt rechtschaffen ym grund gutt / gleych wie das
fexer bewerdet / das golt recht gutt sey) die bewerung
bringt hoffnung / die hoffnung lest nicht zu sehanden
werden. Vnd die drey stück zeucht er ymer an in feyner
Episteln Col. i. Wir dancken Gott / das wir hören

von ewig glauben / den yhr habt ynn Ihesu Christo
vñ von der liebe / die yhr habt zu allen glaubigen / vmb
der hoffnung willen / die euch behalten ist ym hymel /
vnd durchs Euangelium euch verkündigt. Vnd noch
feyner. 1. Thess. ii. wir bitten vñ dencken für das werck
ewig glaubens / vnd für die erbeyt ewer liebe / vñ für
die gedult ewer hoffnung / die da ist vnser here Ihesus
Christus für gott vnserm vater ꝛc. Wie hubsch teylet
er die drey stuck / das der glawbe ym werck / die liebe
ym der erbeyt / die hoffnung ym leyden odder gedult.
Also solt er sagen / Ewer glawbe ist nicht eyn trawen
vnd geticht / sondern es ist leben vnd that / vñ ewer lie
be raget nicht / geht auch nicht müßig / thut vil bey den
nehisten / aber das geht noch alles zu ym gutten / ewer
hoffnung die vbet sich ym leyden vnd gedult / vnd das
alles ynn Christo / denn keyn glawbe noch liebe noch
hoffnung ist außser Christo / wie droben gesagt ist. Als
so geht eyn Christlich leben / ym gutt durch das böse
byn / bis an das ende / vnd sucht dennoch nicht trache /
lest gott walten / richten vnd rechen / wechset nur ymer
mehr vnd mehr ym dem glawben / lieb vnd hoffnung.
Vnd die liebe / wilch natürlich dem glawben folgt /
teylet sich ynn zwey teyl. Sie liebt Gott der yhr so viel
thut durch Christum ym glawben / vnd liebet den ne
histen / das sie yhn thut wie yhr than ist von got. Dar
vmb gehen alle werck eyner solchen menschen / zu seyn
nem nehisten / vmb gottis willen / der yhn geliebt hat /
vnd thut keyn werck / das gotte zustehet / denn nur liebe
vnd loben / vnd das alles für der welt frey bekennen /
denn der andern werck darff gott nicht / also das aller
Gottis dienst ym mund stehet / wie wol das allis
auch Gott dienet heyst / das man dem nehisten thut /
aber ich rede itzt von dem dienst / der alleyn Gott
geschicht /

geschicht / des keyn mensch mag teyl haben / der ist nur
lieben vñ loben / aber darob mus er sich gantz vñ gar
dar geben yn alle widderwertickeit. Sihe was wiltu
mehr wissen / wie du solt ein Christē sein? Hab glawb
vnd liebe / bleyb darynnen / so hastu vnd kanstis alles /
das ander wirt sich allis selbs lernen vñ gebē / Amen.

Von der figur vnd deuttung.

Zum ersten / wil ich nicht zu sagen / das ich diese figur
recht treffe / denn ich hab drobē gesagt / wo man nicht
aus dem newen testament / der figur deuttung klar
lich finden kan / sol man sich nicht drauff bawen / den
der bose geyst ist eyn meyster auff figur deuten außser
der schrift / wo er eyn seele ergreyfft / das sie deuttet / on
grund der schrift / vnd drauff bawet / die kan er hyn
vnd her werffen / wie eyn wurffel / wilchs er nicht thun
mag / wo grund der schrift da ist / odder also deuttet
wirt / das man nicht drauff sich bawet. Wilcher vers
furischer deuttung er fast viel ym geystlichen recht / vñ
schul lerer auff bracht hat. Als da sie den Bapst durch
die Sonne / den Keyser durch den Mon deuten. Wo
nu nicht klar schrift ist fur handē / ist die deuttung die
best vñ nehist / da die gleychnis am besten sich reymen
Also doch das die figur leylich / vñ die deuttung geyst
lich sey / was were es sonst fur eyn figur vnd deuttung
so sie beyde leylich vnd eusserlich weren? Bleych wie
die thun / die durch den hohen priester ym gesetz / deut
ten den Bapst / die alle beyde leylich vnd eusserlich
sind.

Vnd das ich eraus sag / ifigur deuttung mag dreyer
ley weys geschehen. Zum ersten / wen die schrift selbs
deuttet / als da S. Petrus / die tauff deuttet durch die
sindflut / vnd Archa Noe / vnd sanct Paulus durchs
Rote

*Figur deuten
dreyer ley weys*

Rotemer/vnd Christus sein Creutz durch die schlans
ge Johan. iij. Solche deutung zwingen/vnd sind ar
tikel des glaubens. Die ander ist/da die schrift nicht
selbs deutet/sondern da eyns yglichen gleubiger vor
stand/die figur einfuret/vnd grundet vmb yhr gleych
nis willen/auff etliche klare spruch. Also hie/da sanct
Augustinus den aussatz zeucht auff die ketzerey. Wie
wol nu hie die schrift nicht selbs sagt/das der aussatz
ketzerey bedeutte/vñ solch deutung nicht zwingt/als
ein artickel des glaubens. So ist doch das war/das
die schrift vñ ketzerey klerlich saget/darumb auch das
selb zwingt/fur sich selbst allein/die figur vnd deutung
bleybe wo sie wollen/der grundt steht yhe fest/ob das
gebewe nicht gelte. Also mag ein yglicher deuten an
alle ferlickeyt/Denn ob sein deutung felet/szo felet
doch die schrift nicht/darauff er die deutung zeucht.
Die dritte weyse ist/ein blosser deutung aus eygenem
gudunckel/da die figur allein ist/vnd sunst nichts da
von yn der schrift steht/das sie dadurch wollen deuten.
Diese deutung ist yrthum vnd des teuffels vñ
Bapsts eygen mit den seynen. Also wenn sie durch
Aaron den Bapst deuten/so die schrift doch an keyn
nem ort vom Bapst oder Bapstum sagt eynen buch
staben. Wenn sie aber zuuor eynen spruch vom Baps
tum hetten/vnd als denn die figur Aaron drauff zo
gen/were es zu leyden/wie wol dennoch solch figur vñ
deutung nicht zwünge/szo zwünge doch der spruch
darauff sie deuten. Item wen sie hie deuten ym Euā
gelio/das die beycht sey das zeugen der aussetzigen fur
den priestern/ist ein bloß/nacket/selb erdacht deut
ten. Wenn sie aber eynen klaren spruch furten/der von
der beycht an alle figur sagte/vñ als denn die figur dar
auff furten/so zwungen sie vns wol/nicht vmb der fi
K gur

*Die Schrift weiß
nichts vom Bapst*

gur odder deuttung willen/sondern vmb des spruchs
willen/den sie der figur vnd deuttung zum grund leg-
ten. Die ander deuttung mag mancherley geschehen/
vnd wie Paulus sagt/etlich bawen stro/ettlich holtz/
etlich hew/auff disen grundt/etlich aber golt/silber/
vnd eddel gesteine. Also acht ich/das alles was Mos-
ses vom aussatz schreybt/Leuit.xiiij.müge gar fein ge-
trogen werden auff die Epistel Pauli Col.ij. da er
meisterlich den eygen dunckel vnd menschen lere be-
schreybt. Aber doch glewbt ich solcher deuttung gar
nichts/wen ich nicht sanct Paulus klarem text zuvor
glewbt. Also wenn mir yemand saget/das Moses be-
deutte Sanct Paulum/darumb solt ich S. Paulum
fur eynen lerer vñ Apostel halten/die bedeutung wolt
ich nicht vorwerffen/aber vmb yhren willen glewbt
ich yhr nicht/denn ich weysz nicht/ob sie recht odder
vnrecht sey/sondern ich weysz eyn andern grundt der
schrifft/die mir sanct Paulum klarlich tzeyget/eynen
heyligen Apostel/vmb welchs willen ich die selbige
deuttung auffnehme. Also ist gewisz/das die aussat-
zigen bedeutten nicht leypliche/eusserliche/sondern
vorporgene menschen/vnd also vorporgen/das nicht
sey von der naturlichen vorporgeneheit gesagt/wie die
seel ym leybe vorporgen ist/sondern ym geyst/das ist/
du must dyr zwo welt dencken. Eyne diese leypliche/
da die sonne leucht/vnd eyner den andern ansihet nach
de leybe. Die ander geystlich/da Christus durch das
Euangelium leucht/vnd eyner den andern ansihet/
nicht nach der seelen natur/damit die Philosophi
vmbgehen/sondern nach seynem glawben/dunckel/
willen/hertz vnd mut/welchs alles durchs Euanges-
lium erleucht vnd erkant wirt/wen man sein wort aus
yhm höret. Denn das Euangelium leucht/vnd sagt
eynem

eynem yderman was der ander ym hertzen hat geystlich / das ist / nicht das er wisse was er thun wil / sondern obs recht odder vnrecht sey fur Gott. Die figur gehort in die leylich / die deuttung in geystlich welt.

So ist aussatz ein geprech der seelen fur Got vnd ym geyst / nicht aber ein ytzlicher geprech / wie die blinden figuristen deuten / das es alle sund bedeutte / die man beichten sol. Die heyligen vetter / sonderlich Augustinus / sagen / es sey falsche lere vnd ketzerey / vñ wie wol sie keyne schrift darauff furen / so folgen sie doch nicht vbel den gleychnissen / vnd treffen wol hintzu. Darumb wollen wyr auch auff der selbigē ban bleyben / doch nicht als musts ein artickel des glawbens sein / szo zu halten / denn ich wil niemant zu glawben ratten / ich weysz denn wor auff ich yhn bawe. Es gilt seelen vnd ewiges leben / wenn man vom glawbē predigt / darumb wil ich mich vnd yderman mit myr gewisz setzen / das wyr widder alle hell pforten / auch fur Got bestehen mugen / durch sein wort / darauff allein zu bawen ist / vñ auff keynes engels / schweyg den auff der heyligen wort. Vñ sage weiter / Ich wolt dz solch ding nicht figurē hiessen / aber es ist zutieff eingerissen / vnd gewonheit worden / das ichs auch musz also heysen. Die schrift nennet es nicht figuren / sondern allegoriam / umbram / faciem / Vñ die deuttug *Mysteria abscondita / secreta*. Sie habens figur genent aus dem spruch Pauli. i. Corint. x. do er sagt / Solch alles ist yhn geschehen in figur. Aber S. Paulus an dem ortt redet nicht von figur / sondern von exempeln vñ spricht / wir sollen vns furchten / das vns nicht auch also gehe / denn sie seynt vns figur vnd exempel gewesen. Vnd S. Petrus. ij. Pet. ij. nennet dasselb exempel / vnd S. Paul auch an viel ortern / *Formam*. Es ist schult des

R ij lateinischen

lateinischen interpretis / der Typos ytz figur / ytz ex
empel transferirt hat / daran sie sich gestossen / vnd fi
gurn daraus gemacht.

Ketzerey sol hie nicht allein das heysen / das vnser
volck ytz ketzerey heysset / die auch machen zu ketzerey
was sie nur wollen / sondern was die schrift Heresim
nennet / wie. S. Paulus Tit. iij. leret / de Hereticum
solt du meyden / nach dem er zwey mall vorn anet ist /
soltu gewisz sein / das ein solcher vorkeret ist / vnd sun
digt / vnd hat schon sein vrtell. Das wortlein Heresis
kumpt aus Kriechischer sprach herein / das heyst er
welen / erlesen vnd außsondern. Daher heist Heresis
ein sonder / erwelete / selbst erdachte eygene lere vñ weys
se zu leben vnd gleuben aus der gemeynen weyse / das
man ytz Secten / stend vnd orden heysset. Also nennes
ten die Juden / die Christen / ein Heresim odder Ses
cten der Nasarener / Act. xxiiij. Aber Paulus wolt sie
nicht also nennen / sondern einen weg / vñ sprach / Ich
wandel nach dem wege / den sie Heresim odder secten
heysen. Daher ist's kōmen in der Christenheyt / das
alle die Heretici heysen / die aus der eynickeyt vnd ge
meyner weyse des Christlichen glawbens vnd wesens
treten / vñ ein sondere eygen weyse / glawben vñ wege
fur sich erwelen / das die zwey wortlein Catholicus
vnd Hereticus widder einander streitten. Catholicus
heyst / der mit dem hauffen ist / vñnd einhellig mit der
gantzen samlung stymmet / ym glawben vñnd geyst /
gleich wie sanctus Paulus sagt Ephe. iij. Eyn tauff /
ein glawbe / ein herr / ein geyst ꝛc. Aber Hereticus der
ein eygen weysz vñ partey erdenckt. Darumb heyst He
reticus eygentlich ein eygensynnigen yn göttlichen sachen / einen sonderling / der etwas bessers weysz / vñnd
yhm selbst erwelet eyn weg tzum hymel / den der ge
meyn

Ketzerey

Heresis quid?

Catholicus

meyn Christen man nicht geht. Welchs laster / die
letzten doctores nennen / singularitatem / capitositas
tem zc. sonderlickeyt vnd eygenwillickeyt. Aus dem ist
klar / das der aussatz der do ketzerey bedeynten sol / bes
deuttet nichts anders / denn den eygen syn / den gutts
dunckel / die gutte meynung / der sich selbst aussetzt von
der gemeyne / in den dingen / die die seele vnd Got bes
langen. Davon Moses sagt Deuter. xij. du solt nicht
thun was dich recht dunckt / vn̄ ist keyn laster so stracks
dem rechten wege vn̄ glauben entgegen / das die Apo
stel Petrus vnd Paulus viel sorge da fur gehabt has
ben / vnd die mutter Gottis nennet den selben schlans
genkopff Mens cordis sui. den dunckel yhres hertzen.
Vnd der deutsche name / aussatz / lauttet zumal feyn
drauff / das solch leut aussetzig von dem hauffen vnd
aus der gemeyn gesetzt werden. Auch Sanct Paulus
wortt / da er sagt zu Tito / er solle eynen solchen meys
den / wie wol sie ytzt vorprennet werden / die kleynen kes
tzer von den grossen / odder das ichs basz sage / die
Christen von den ketzern. Denn aus diesem vorgesag
ten ist leichtlich zuuorstehen / wo ytzt ketzerey sein. Nem
lich da der gutdunckel der recht aussatz / auffer vn̄ vber
den gemeinen Christlichen glauben / sonder secten /
orden / weysz vnd wege frum zu seyn vnd selig zu wers
den auffrichtet vn̄ parteyen / aus der gemeyne setzt / als
die etwas bessers finden wollē / das gleich der gemein
Christen man / gegen yhn stinckt vn̄ nichts gilt. Dar
umb sind ytzt vnter den stifften / klöstern / hohen schus
len / vnd gantzem geystlichen standt keyne ketzere / son
dern eytel ketzere mörder fur grosser liebe Gottis / gleich
als wenig / als vnter den raben schwartze vogel / vnd
vnter den Dozen schwartze leut sind. Den gleich wie
vnter den aussetzigē ist niemant aussetzig / also ist auch
K ij vnter

*Aussatz der
Ketzerey*

*von ihm
Ketzerey*

vnter diesen ketzern niemant ketzer / vnd sehen nicht /
das zarte volck / das gar fast so viel wege / secten / par-
teyen / vnter yhn seind / als kopff vnd hyrn / das eyttel
guduncckel yhr meyster ist / der giftige aussatz / vnd yhr
keyner den gemeinen weg Christlichs glawbēs gehet /
sondern ein yglicher einē eygen weg gen hymel macht /
das man wol sibet / wie alle ketzerey / die yhe gewesen
seind / ytzt zusammen geflossen yn eyne grundtsuppen
kōmen / vnd die welt mit eyner syndtflus lautters auss-
satzs erseufft haben / vnter des Endtchrists regiment /
wie das verkundiget ist. Dennoch gehen diese auss-
etzigen nicht zu den priestern / vnd beichten diese sund
nicht. Ja es muß eyttel heyligkeyt sein / vnd wer ans
ders sagt / der selb muß ketzer sein.

Nu ist das beschlossen durch die schrift / das keyn
weg sey zu dem hymel den der eynige / der glawbe / da-
her S. Paulus / des glawbens lere die gesunde lere
nennet Tit. i. et. ij. vnd befielet / das man ym glawben
gesundt sein soll / da mit er auff den aussatz zeygt / das
alle die durch werck wollen frum vnd selig werden /
seind gewislich dise vngesunden vñ aussetzigen. Dar-
umb wollen wyr nu ettlich gleychnis des aussatzs vñ
des eygen duncckels gegenander halten.

*Van Pinn-
kier von den
priestern befohlen
den vom aussatz*

Zum ersten / wart den priestern von keyner Franck-
heyt befohlen / denn allein vom aussatz / damit genugs-
sam bedeutet ist / das der aussatz bedeutte ein solch vn-
tugend / die widder die rechten lere / vnd Gottis wort
ist. denn Gottis wort ist das eynige ampt der priester.
Nu ist bey allen offinbar / das der glawbe vñ Gottis
wort / keynen feyndt hat / denn diesen eynigen gudunc-
ckel / die andern sunde allesampt / ob sie wol fallen ym
glawben / lassen sie dennoch bleyben den glawben vñ
Gottis wort / das der mensch / ob er schon sundiget /
dennoch

dennoch wol weysz/ wie vnd was er glawben solle/
es gepricht yhm nur an der macht. Aber dise vntugent
huttet sich fur solchen sunden vnd vorterbet den glaw-
ben/damit das sie yhn faren lest/vñ yhren eygen weg
furnympt/den es mag der glawbe keynen neben weg
bey sich leyden/eyner musz vntergehen/beyde mügen
hie nicht bleyben. Darumb wie den alten priestern al-
leyne von dem aussatz gepotten war/ also ist alles be-
fehlen der Apostel/das man auff die wercklere/vnnd
menschen lere acht haben sol/da wollen sie schlechts
nichts neben dem glawben lassen auffrichtē. Aber die
andern sünde vnd geprechen/befehlen sie zu dulden vñ
zu tragen/denn die vorterbet widder lere noch glaw-
ben. Also das gar ein gros vnterscheyd ist/vnter leren
vnd leben/vnter glawben vnd wircken/den auch vnser
Papisten/ Heresim vnnd peccatum weytt sondern/
vnd nennen eyns errorem in fide / das ander in moris
bus/odder eyns contra fidem/das ander contra mo-
res/an das sie fidem vnd contra fidem machen/was
sie dunckt.

Zum andern/ist der aussatz ein suchtige/anklebige
plage/also ist der Secten ding auch/es gleysset feyn
ym ansehen/drumb frist es leichtlich vmb sich/seintes
mal der mensch naturlich geneigt ist/auff sich selv vñ
seyne werck zu bawen/vnd sein dunckel yhm naturlich
gefelt. Der halben wo nicht fleysig auffsehen ist/wie
S. Paulus thet/ist leichtlich ein gantz volck vorturet/
wie vortzeitten die falschen propheten ym volck Israel
thetten. Aber ytzt vnter des Papsts vñ geystlichen res-
giment vorturet niemant/darumb das niemant mehr
ym rechten wege gehet.

Zum dritten/der aussatz ist ein ewige plage/die
nicht wol zu heylen ist/die meynet S. Paul da er sagt
zu Lito/

*Aussatz vñ
plage*

*Aussatz vñ ewige
plage*

zu Tito / Den eygensinnigen soltu meyden / nach zwo
vormanung / vñ gewisz sein / das er vorkeret sey / vñ sein
vrteil ist schon vber yhn gangen. Die mit hat er das ges
setz Mose außgeleget / der Leuit. xiiij. gepot / man solt
den aussetzigen zwey mal besehen vnd einthun / vñ dar
nach absondern. Das zwey mal besehen vñ einthun /
nennet S. Paul zwey mal vormanē / vñ darnach meys
den. Denn gewislich wo nicht ein vorstockter dunkel
ist / der lest yhm sagen ym ersten odder andern mal / wo
er aber vorstockt ist / das man da tausent iar vormanet /
so hilfft es nicht / Den er wil nicht allein nicht hören /
sondern setzt sich zum widderstreyt seines zuvorfechtē /
vnd den glauben zu vorstören. Dise sund heyst. S. Jo
hannes sund in den todt / fur welche niemandt bitten
sol. Vnd Christus nennet sie ein sund yn den heyligen
geyst / die widder hie noch dort vorgeben wirt. Darüb
spricht auch. S. Paulus / das gewisz sey / ein solcher
sey endtlich vorkeret / vnd sein vrteil ist schon vber yhn
gangen / das er sundige.

*Die aussetzigen
sind die
die nicht
wollen
gehören
der
gemein*

Das vierde / die aussetzige setzt man aus der gemeys
ne / das ist / wie gesagt ist / das die leüt / die da sonder
linge eygensinnige sind / gehen yhr eygen strafz. Ober
das schreybet Moses Leuit. am dreytzehenden / wie
die aussetzigen sollen erkennet werden / vnd wie sie sol
len zuschnitten kleyder tragen / vnd barheubt gehen vñ
die lippen vorfleyden / vñ welchem allem lang were zu
schreyben / vñ wol ein eygen buch gebe. Aber wir wol
lens ytzt hie bey lassen / vnd zum Euangelio kommen
mit der figur.

*Das was das wohn
sein yhr
bedeut*

Alle das wandern Christi / das er hyn vnd her ym
landt gethan hat / bedeut das predigen ynn der welt /
darumb auch die schrifft / seyne prediger nennet seyne
fuesz psal. lxxij. Auff das deyn fuß ym blut vorferbet
werde.

werde. Vnd psal. c. xlvij. Sein wort leufft schnell. Vñ
S. Paulus nennet daher sein ampt ein laufft Gal. ij.
da er sagt/auff das ich nicht vmb sunst lieffe. Durch
solch predigt vnd geystlich wandeln kumpt er an man-
chen ort/das ist/in manche hertzen/da yhn etlich auff-
nemen/etlich furwerffen/vnd sind die selbigen hertze
nicht alle gleych yn geprechen/wie wol keynes an ges-
prechen ist/das des Euangelij nicht bedurffe. Das er
nu hie kumpt durch Samariam vnd Galileam in ein
stetlein da yhm begegengen zehen aussetzige menner/ist
die bedeutung/das durchs Euangelium vnd rechten
glawben erleucht vnd erlost werden/die grossen me-
terer/die werck heyligen/vñ yhrem sawren schweren
leben/das sie furen an glaubē. Den solch hertzen sind
etliche naturlich gut/vnd wolten yhe gerne recht thun
vnd wol faren/darumb fallen sie auff die gepot/vnd
mühen sich vber die mass. Wen nu die selbigē hören/
das nicht mit wercken/sondern allein durch glawben
zugehen musz/werdē sie fro solcher predigt vñ erkent-
nis odder zukunfft Christi/vnd aus gantzem hertzen
lauffen sie solcher lere entgegen/vñ begeren dar durch
von yhrem iamer vnd aussatz rein zu werden/doch ste-
hen sie vñ ferne/vñ duncken sich zu gering solcher gna-
den. Denn es ist zu tieff in der aussetzigen natur einge-
fessen/das man mit wercken Got sol vberwinden/vñ
glewbet nit leicht/das solche gnade/so gar vmb sunst/
vnd an allen vordienst gegeben werd/wil ya auch etts
was da fur thun odder zalen. darumb ruffen vñ bitten
sie/das ist/sie begeren hertzlich die rechte warheyt zu
erfaren/vñ der sachen gewisz werden/die sie hören vñ
dem glawbē. Das ist das gepet/do sie sagen/O Jhes-
su lieber gepieter erbarm dich vnser. Sie nennen yhn
noch einen gepieter/der nur lere vñ sage/was zu thun
L sey/

Erst

Die

ist



sey / seind noch nicht gar aus den wercken / das sie yhm
einē seligmacher hiessen / der do nicht alleine vns leret /
sondern auch in vns wirckt vñ lebet durch seine gnade.

Samaritan

Daher stymmen nu die namen Samaria vñ Galileea. Samaria heist ein hut odder gewarsam / darüb das solche werckheyligen fast hutten vñ bewaren / odder acht haben auff yhr wirklich lebē / seint strenge vñ werden getzwungen mit den gepotten Gottis / die sie nicht aus liebe / sondern aus nott vñ forcht thun. Den wer nicht aus freyer liebe wolthut (welchs der glaube gibt) der ist noch in Samarien. Nu kan er vñ yhm selbst nicht heraus kōmē / sondern Christus muss zu yhm kōmen in seiner reise gen Hierusalem / das ist / Niemandt findt das Euāgelium / Got muss es zu yhm senden / vñ predigen lassen / bis gen Hierusalem in das ewige lebē. Galileea aber heyst ein grentze / da die land enden. Also ist disz werck volck / mit seinem wesen nur in der grentze des eusserlichen wesens / denn sie halten die gepot nicht mitten ym hertzen / sondern nur leyplich aussen in den wercken / vñ das ist auch der aussatz / wen sie meynen solch wesen sey recht / denn der tuncel ist weytt aus der gemeynen weysz der heyligen / die nicht durch werck / sondern durch glauben rechtfertig vñ selig werden. Also seindt das alle Galileey grentzer / die nicht williglich Gottis gepot halten / welchs an glauben nicht muglich ist. Das kleyne stetleyn beudeut sonderlich das Judische volck / wilchs fur allen leütten in diesem Samarien vñ Galileen war / denn sie hatten die gepot Gottis / vñ wirckten fast darynnē / vñ yhm ist auch furnemlich das Euāgelium prediget / sie aus solcher Samarien vñ Galileam zu furen in ein frey glewbich leben. Vñnd das yhr eben zehen ist /

Galilea

*Das kleyne
stetleyn*

ist/bedeutet auch das volck vnter dem gesetz/welchs
in den zehen gepotten begriffen war. Was aber von
dem selbigen volck gesaget ist/ist auch vō allen andern
yhem gleychen zuuorstehe./die durch yhr eygen werck
wollen frum werden/denn das alles ist aussatz/vnd
ferne von der gemeinen Christlichen lere.

Wer seind nu die priester/zu den Christus dise aussatzige weyset? So Christus geystlich kommen/ist nicht anders/denn durch die Apostel predigen in die hertzen vnd gewissen/so mügen die Apostel nicht solche priester sein/den sie seind die Christum bringen in Samarien vnd Galileam/seind es aber die Aposteln nicht/so seind es viel weniger die Bischoff vnd geystlichen/die ytz an der Aposteln stadt sitzen/wo wil denn nu die beicht bleyben? Das gantz priesterthum ym gesetz bedeutet den eynigen rechten priester Christum/der fur vns ym hymel mittelt fur Got/wie sanctus Paulus Roma.viii.vnd Heb.ix. Darumb ist Christus alles/er kumpt geystlich durchs Euangelium/vnd damit weyset er vns zu sich selb ym hymel. Denn ym alten gesetz durffte niemandt fur sich selbst opffern/was er auch opffern wolt/sondern der priester nam es von yhm/vnd hub es auff/vnd opffert es fur Got. Also das ist/das wir droben bis hieher gespirt haben zu sagen vom glawben Christi/das ein vnterscheyd sey schlecht glawbe in Got/vn Christus glawben. Die hohen schul lerer/haben die welt in den yrrthum bracht/dz sie Christus nicht mehr bedurffen/vn die leüt also lange mit der beicht zu den priestern getrieben/bis das sie gätz vn gar vō Christo getriebē/nichts mehr wissen/was Christus sey/odder was ditz zeygen der priester bedeuete. Den sie leren/wie der mensch müge durch sein natürlich vornugen so viel thun/

Lij Das

Das die anstößel
geben

Was die lere
von den anstößel
den gawben

Was das alst
priesthim bedeynt

das yhm Got seine gnade gebe/vñ also tretten sie für
sich selb für Got/vñ handeln mit yhm an alle mittel/
vnd an Christo. Was solt yhn Christus nott odder
nutz sein/wen sie Gottis gnade durch yhr vormugen
erlangt haben? O der gewlichsten/erschrecklichsten
ketzerey ist das/dauon. S. Petrus. ij. Pet. ij. vorkun-
diget vñ sagt/Es werden falsche lerer vnter euch sein/
die den herrn der sie erkauft hat vorleugnen. Ist das
nicht war wordē in solcher teuflischer lere? Mit dem
mundt bekennen sie Christum/aber mit lere/leben vñ
gantzem wesen vorleucken sie yhn eben damit/das sie
sagen/die natur müge aus yhren krefften guts thun vñ
gnad erwerben. Wo das war ist/so ist Christus vor-
gebens gestorben/vnd durffen sein nicht. Sihe das ist
ytzt der hohen schulen vñ allet geystlichen glawbe/so
tieff eingefessen/das sie drob ketzer schelten/vnd vor-
pennen alle die das nicht annehmē. Das ist ein glaw-
be zu Got/aber nicht in Christo/auch nicht Christus
glawbe/sondern des teufls geticht vnd Gottis leste-
rung/Christus vorleuckung vnd der Christenheit vor-
störung. Daher kompts das sie den wercken so viel ges-
ben/vñ yhr ding nicht wollen lassen nichts sein/das
ist ein gewlicher auffatz.

Aber wir sollen wissen/das wo Christus nicht
mittelt/da ist eyttel zorn vnd vordammis/Got wil vñ
mag keynen menschen für sich leyden/der ein sunder
ist. Nu sind wir alle sunder von natur/darüb ist Chris-
tus kōmen/hat für vnser sund gnug gethan/vnd vns
sein leyden gegebē/das wir durch yhn für Got mügen
bestehen. Darüb lasz dich nicht yrr machē/das du viel
gleubist in Got/vnd thust dein vormugen/das ist eytz-
tel Endtchristisch giff aus den hohē schulen. Du must
einen mitler haben/der zuuor göttlicher gerechtickeit
gnug

gnug thue für dich / vnd also dich würdig mache / das
du in seyne handt legest dein werck vnd wesen / vnd ers
von dyr neme / vnd für Got opffere. Das ist aber al
lein Christus / das wil Moses mit der figur / das alles
volcks opffer / must durch der priester hend gehē. Das
ist auch / das Christus hie die aussetzigen zu den pries
stern weyset. Denn das Euangelium (welchs Chri
stus wallen ist in Samaria vñ Galilea) leret vns nit
anders / den auff Christum bauen vñ trösten / weyset
vns von vns / das wir an vns vortzagen müssen / vñ al
leine vns Christus trösten / vnd seiner vordienst / das
wir durch yhn angesehen / vnd auffgenōmen werden.
wie er saget Johan. vi. Niemandt kumpt zum vatter /
denn allein durch mich. Also ist nu disz gehen / vñ sich
ertzeygen dem priester nichts anders / den bekennē vñ
glewben / das alle vnser ding nichts seyn / sondern al
lein durch das mittel Christi selig werden. Darumb
macht niemandt von diesem aussatz rein / denn Chri
stus glawbe / durch das Euangelium gepredigt / der
selb / die weil er vnser ding vordampt / vñ allein Chri
stum erhebt / vortilget er vnd macht zu nicht allen guts
dunckel vnd vormessenheyt vnser werck. Darumb si
hestu wie vnchristlich vñ heydnisch wesen ytzt sey / der
hohen schule / vnd geystlichen predigt lere vnd leben /
das wol Daniel solche zeit des Endtchrists / nennet
die zeyt des zornes / da do der glawb in aller welt solt
vorstort werden. Das ist auch die vrsach / warūb Lu
cas hie nicht schreybt / wie die priester abekeret haben
die newne / zu ehren diszer heyligen bedeutung / das
Christus durch die priester bedeutet war / er hett es
sunst nicht geschwigen / denn sie haben auch vber yhr
priesterlich ampt vbel gethan / sie soltē nicht mehr den
sie rein sprechen / vnd yhr opffer auffnehmen / darinnen
L iij waren

waren sie Christus figur/nach ordnung des gesetzes.
Also siehestu wie weyt auch die deuttunge von yhren
trawm der beichte ist/vñ wie vbel sie die figuren deut-
ten auff sich selbst/odder leypliche priester/an allen
grundt der schrift/vñd nemens von Christo. Nur
Christum zu ortilgen vñ leucken ist alle yhr predigen/
erbeit vñd leben. Das er aber nicht einen/sondern viel
priester nēnet/hyndert nicht/es ist alles doch ein ampt
gewesen aller priester/vñd das selbige ampt ist Chri-
stus figur/wie wol auch hie mocht gesagt werdē/das
dise zehen sich nicht einem priester/sondern ein ygli-
cher in seyner stadt seinem priester/odder eyns teyls/
einem priester/das ander teyl/einem andern priester
ertzeyget habe.

Das aber die zehen also faren/das nur eyner beste-
het vñd widder kumpt/ist die leydige propheccy/die
S. Paulus beschreybet/das zu den letzten zeyttē viel
wurden von dem glawben fallen. Denn seind der zeyt
das durch das Euāgelium die welt ist rein vñ erleucht
worden/haben die Bischoff vñd geystlichen nicht
mehr gethan/denn wie sie nur yderman vom glawbē
sturtzten in yhre menschen lere/bis das sie es bracht ha-
ben/wo sie hyn wolten/das ytzt der Christen glawb
vñ Euāgelium gantz niddert ligt. Darumb seind vn-
ser Bischoff vñ geystlichen beicht hengst nicht bedeut-
tet durch die priester/zu den Christus dise aussetzigen
weyset/sondern durch die/die sie haben abgewendt
von Christo/welche Lucas schweygt/auch nicht not
war zu nennen/denn da were keyn rawm gewesen der
figur vñd deuttung/sondern seind eynes dinges alle
beyde leypliche priester/vñd gleychs ampts/leren ey-
nerley yrthum/das keyner durch den andern mocht be-
deuttet werden/szo wenig als ytzt ein prediger durch
den

*Das vñd den
Bischoff vñd
geystlichen
priester
bleibet*

andern bedeutet wirt / da sie beyde gleychen yrtum
lernen. Aber dieser zehender cyniger Samaritan / ist das
arm heufflein in der welt / die widderkömen / Christo
zu fuesz fallen / vnd yhm dancken / das ist / sie bleyben
fest am Euangelio hangen / dem fallen sie zu fuesz / dē
dancken sie / dem seind sie holt / vnd ergeben sich yhm
gantz / darumb nympt sie das Euāgelium auch auff /
vnd spricht / Stand auff / gehe hyn / dein glawb hatt
dich selig gemacht. Das ist yhe die rechte stymme des
Euangelij. Also haben wyr Christum geystlich ym
Euangelio / vñ leylich ym hymel / das wyr durch yhn
eynen zugang haben zum vatter / wie S. Paulus sagt
Ro. v. Vnd doch alltzeit vns widder zum Euangelio
halten / weil wir hie leben / das wyr nicht anfahen / eys
gen treppen zu machen / vnd nach Got tappen / wie die
schullerer vns leren / den das Euangelium ist vnser lus
cern in diser finstern zeyt vnd stett / spricht S. Petrus.

Dise deuttung vber ditz Euangelium sag ich nicht /
das sie recht sey / odder alleine sey / sondern das dryn
nen gesagt ist / das ist recht / vñ der klare text des Euā
gelij / das da leret nur Christum erkennen. Weyl den
das dise figur auch gibt / ist sie antzunehmen / vñ nicht
zuuorachten. wie S. Paulus sagt Thessa. v. Die pro
pheceyen solt yhr nicht vorachtē / so doch / wo sie dem
glawben ehnlich seind. Ro. xij. das eben die figur vñ
prophcey deuttung auch anders wo ein klaren grund
habe. Das sey disz mal genung von dem aussatz / denn
was Moses dauon schreibt Leui. xij. wil mehr ruge /
zeyt vnd geysts haben / denn ich habe.

Bedruckt zu Wittemberg bey Melchior Lotter
Nach Christi geburt M. D. xxij.

Was & he
sind alle
zu dem

9

Faint, illegible text, likely bleed-through from the reverse side of the page.



(X 167 8758) sb.



1864


193

Festschrift

Zum

...







00 Ro c15. 72 1945



Euangelium

Von den zehen aufz=
setzigen vordeutsch
vnd aufgelegt
Marti. Luth.

Wittenberg.

*In robore DEI Sion una salus. N. S. d. S.
xvii. Kalendas Majas, ante meridiem.
Anno d. d. 1522. M. los. b. bla. 1522*